



08759

續碑傳集卷七十五

儒學五

銘 穆荃孫

江陰繆全孫纂錄



州判銜候選訓導張先生墓志銘
先生姓張氏諱文虎字孟彪又字嘯山江蘇南匯人幼穎異見書籍輒自翻閱嘗讀元和惠氏歛江氏休甯戴氏嘉定錢氏諸家書慨然歎為學自有本馳驚枝葉無益也則取漢唐宋人注疏若說經諸書由形聲以通其字由訓詁以會其義由度數名物以辨其制作由言語事蹟以窺古聖賢精義旁及子史是非得失源流異同以參古今風會之變壬辰大比戚友強之行試卷墨汗題詩號舍而出自是不復應試金山錢雪枝通守熙祚輯守山閣叢書屬先生校訂館錢氏三十年所校書若守山閣叢書指海珠叢別錄及鼎卿學博熙輔續輯海珠塵壬癸集子馨少尹培名輯小萬卷樓叢書無慮數百種時稱善本嘗三詣杭州文瀾閣縱觀

四庫書手自校錄績溪胡竹村培濯元和陳碩甫奠時同寓西湖過從商榷甚歡中開西游天目南登會稽尤愛天目之勝因自號曰天目山樵年二十八始就婚於金山姚氏越四年舉一子曰錫尙癸卯偕錢通守游

續碑傳卷七十五

京師通守卒於邸先生載其柩南歸時輯指海未竟其嗣偉甫培杰子馨培名請畢之先生力任不辭海甯李壬叔善蘭與先生讀算契合咸豐初李先生從英吉利士人艾約瑟偉力烈亞力新譯重學及幾何原本後九卷而艾約瑟輩深明算理格致之學聞先生名數數造訪質疑問難咸大折服歎為彼國專家勿能及丙辰移家張涇堰蓋贅於姚二十有二年至是始有家也粵匪之亂轉輾避難曾文正公聘赴安慶李文忠公繼督兩江議刻經史因與先生商定條例文忠稱善遂留書局八年癸酉先生以老固請始得旋里蘇撫檄各屬修志乘邑令金福會造門敦請奉賢韓令佩金華亭楊令開第亦相繼以志事來聘勉應之錢子馨議輯先世書目留先生於郡城復園丙子秋子馨歿遺孤幼先生傷之為處分其喪事再聞姚孺人之訃悲慟不能已自是神氣稍衰矣癸未學使瑞安黃公體芳創建南菁書院於江陰按臨松江躬延先生主講席時先生足艱於行再三辭不獲秋七月赴江陰冬十一月旋里足疾加甚乃具書請退甲申長至得類中疾乙酉下月卒於復園年

七十有八先生於書無所不覽過目輒記尤長於此勘遇疑義必反覆窮究廣證旁引以匯於通往往發前人所未發所著各書曰校刊史記集解索隱正義札記五卷舒執宰隨筆六卷續筆一卷餘筆三卷雜著甲編三卷乙編二卷賸稿一卷詩存七卷索笑詞二卷又嘗以漢魏以來古樂失傳而古書之存於今者祇滋後人聚訟乃因端以考其器數審其聲氣以究古今之變異作古今樂律攷一書顧尙之先生作殷厯攷申鄭氏一家之言先生證之經傳謂鄭氏誤執緯書及大傳之文致召誥注破經從厯而劉歆又損夏益周移前五十七算以求密合經文爲作周初歲朔攷以疏通之先生之學博大宏達旣以經學小學厯算樂律立其本泛濫以及其他莫不洞悉源流燭見幽隱實事求是由博返約勿苟於著述勿囿於門戶溯自惠江戴錢諸家而後可謂集大成也已然先生豐於學而嗇於遇少時疊遭大故家屢空殆人所難堪自是客游日多垂白歸來又抱伯道之戚而先生不以是廢學手一卷外無他嗜好老而彌篤顧尙之爲先生石交著作等身先生爲謀於上海令獨山莫公祥芝俾爲刊布婁朱虞卿先生大詔邃於經術先生選錄其經義若干篇今李勉林中丞校付梓人海內迺知有朱顧之學先生

續碑傳卷七十五

二

力也曩以諸生從文正公重營保以訓導選用光緒初援例加州判銜錫卣遺腹有一女贅同邑附貢生王保如生外曾孫孝曾歸爲先生後孝曾殤復以慰曾來歸焉荃孫幼羅兵燹避地楚蜀未曾捧手受教後先生四年來主南菁講席華亭張錫恭出此狀來求銘爰作銘曰東南諸老首推潛研先生繼之名滿瓌挺六書九數如日中天合朔月初協律宮縣微言克紹絕學能專少絕仕進青紫無緣晚爲賓客躋直自全校警最工几席丹鉛更生子固輝映後先明湖之濔冶城之巔大名不滅遺事獨傳龍蛇歲厄牛斗星懸雙雞斗酒誰過新阡

中書銜處州府學教授黃先生墓志銘

穆荃孫

先生諱以周字元同號傲季浙江定海廳人曾祖必梯祖興梧庠生父式三歲貢生敦行力學著述等身入

國史儒林傳先生本名元同字經簞後出試同知某命改從今名少承家學與兄傲孟傲仲相砥礪六歲入塾識說文部首字遂讀經先禮次詩書次春秋易每一業數輒條分節目疏通大義十九補諸生同治庚午優貢旋舉於鄉光緒庚辰大挑二等以教職用補分水縣學訓導辛卯學政瞿學士鴻禴稱其素履誠樸粹然儒者保中書銜後學政潘學

士衍桐又稱其研精殫思物疏道親保以教授陞用旋選處州府教授而年已七十禮宜致仕遂不就先生恪守父訓以傳經明道爲宗旨其事父三十餘年未嘗去左右父卒前數月大厥而蘇成偏枯疾手不能作書一日自敘黃氏塾課字形蜿蜒難讀先生適自外返見而大驚請口授爲書之父卒先生裝絕筆一紙不忍毀棄且曰示我子孫知吾父拳拳是書所以佑啟後人者深且遠也居喪盡禮不徇時俗刊遺書行世先生以爲三代下之經學漢鄭君宋朱子爲最而漢學宋學之流弊乖離聖經尙不合於鄭朱何論孔孟

國朝講學之風倡自顧亭林顧氏嘗云經學卽是理學乃體顧氏之訓上追孔門之遺言其說易則由孔聖之大象傳以尋畫卦之愷由孔聖之彖文傳以尋彖爻之愷詩必宗序書必條貫大義春秋用比事之法三傳校以經例定其短長而三禮尤爲宗主凡詳攷禮制晝夜研索多正舊說之誤釋後人之疑而意在覈明古禮示後聖可行所著禮書通故百卷列五十日古先王禮制備焉其書足以究天人之奧通古今之宜至其道德性命之學則在辨虛無辨絕欲以執一端立宗旨爲賊道悉折衷經訓以燭叛慝疑枝邪離遁窮之情形所著經訓比義三卷列

續碑傳卷七十五

三

二十四目舉謂博文約禮聖門正訓學者欲求孔聖之微言大義必先通經經義難明必求諸訓詁聲音而後古人之語言文字乃瞭然於心目不博文能治經乎既治經矣當約之以禮又謂禮者理也天理之秩然者也攷禮卽窮理後儒舍禮而言理禮必實徵往古理可空談任臆也欲挽漢宋學之流弊其惟禮學乎或云禮爲忠信之薄是言一出而周衰或云禮豈爲我輩設是言一出而晉亂學術不明而治術敝是先生以經學爲理學卽以禮學爲理學顧氏之訓至先生而始闡先生以孟子學孔子由博反約而未嘗親炙孔聖其閒有子思子綜七十子之前聞承孔聖以啟孟子乃著子思子輯解七卷而舉子思所述夫子之教必始於詩書而終於禮樂及所明仁義爲利之說謂其傳授之大愷是深信博文約禮之經學爲行義之正軌而求孟子學孔聖之師承以子思爲樞軸暮年多疾因曰加我數年子思子輯解成斯無憾旣書成而疾瘥更號曰哉生蓋先生之學由子思學孔孟至是而其志章矣其學亦大成矣黃漱蘭侍郎視學江蘇建南菁講舍延先生主講先生教以博文約禮實事求是道高而不立門戶常語門弟子曰前代之黨禍可鑒也宗湘文觀察建辨志精舍於甯波請先生定其名義規制而專

課經學著錄弟子千餘人光緒戊戌去江陰歸隱於仁和半山之下卒於光緒己亥十月十七日年七十有二卜葬於海晏鄉黃家橋之東配梅孺人妾陳氏子六人長家辰附貢生次家岱優廩生先歿次家鷺廩膳生皆梅出次家驥先歿次家穀次家璵皆陳出荃孫戊子在南菁與先生接席者兩年冲如曇如粹然儒者時時請益反復詳告不憚煩也今家辰等來請銘其曷敢辭銘曰

國朝家學紹漢邁唐元和之惠高郵之王鼎足其間先生就觥佩臚自警炳燭未遑禮堂寫定北熊南皇居鄉植品天府圭璋滌筆搗辭炎漢班揚著錄弟子羣奉瓣香歲星周天久留吾鄉傳燈負笈絃誦鏗鏘山頽木壞萬口悼傷張山黃轍同祀永薦蒸嘗

桂文燦傳 儒林傳業

桂文燦字子白廣東南海人道光二十九年舉人揀選知縣同治元年獻所著經學叢書旋奉

諭曰桂文燦所呈諸書考證箋注均尚詳明羣經補證一編於近儒惠棟戴震段玉裁王念孫諸經說多所糾正薈萃眾家確有依據具見潛心研究之功二年正月應

續碑傳卷七十五

四

詔陳言四十條奉

上諭交各衙門分別議奏所奏者曰嚴甄別以清仕途曰設幕職以重考成曰分三途以勵科甲曰分三途以試武科曰裁孱弱以節糜費曰鑄銀錢以資利用諸奏見朝報天下傳誦焉若津貼京員製造輪船海運滇銅諸奏先後得

旨允行光緒九年選湖北郎縣知縣抵鄂命在江夏治獄每決一獄大府未嘗不稱善海上事起長江戒嚴文燦建議宜增鎗隊練陣法並在田家鎮多設方略以防未然又以邪說誣民宜正人心爲急擬宣講聖諭章程旋履郎縣任無幕客無家人事無大小皆躬親之未及期年以積勞卒於任嶺南自嘉道中儀徵阮元設學海堂經學日興人才彬彬輩出其後承學之士喜立門戶尊朱者與鄭違尊鄭者又與朱違甚或以高談道學爲名而物與民胞之理不講以訓詁詞章爲事而通經致用之道不知有失本意文燦追述阮元遺言謂周公尙文範之以禮尼山論道教之以孝苟博文而不能約禮明辨而不能篤行非聖人之學也鄭君朱子皆大儒其行同其學亦同因著朱子述鄭錄推崇朱子著有四書集注箋四卷子思子集解一卷弟子職解詁一卷朱子述鄭

錄二卷易大義補一卷詩箋禮注異義考一卷周禮通釋六卷箴膏肓評一卷起廢疾評一卷發墨守評一卷論語皇疏考證十卷重輯江氏論語集解二卷孝經集證四卷孝經集解一卷孟子趙注考證一卷羣經補證六卷經學輯要一卷經學博采錄十二卷毛詩傳假借考一卷毛詩鄭讀攷一卷詩古今文注二卷春秋左傳集注一卷禹貢川澤攷四卷毛詩釋地六卷春秋列國疆域攷一卷春秋列國疆域圖一卷羣經輿地表一卷廣東圖說九十二卷四海記一卷海國表一卷掌故紀聞二卷周禮今釋六卷周髀算經攷一卷說文部首句讀一卷奏疏四卷牧令芻言二卷疑獄紀聞一卷海防要覽二卷潛心堂文集十二卷湖廣總督卞寶第巡撫彭祖賢奏請宣付史館列入儒林傳奉旨允之

舉人姚君行狀 戴聖

曾祖某

祖某

父開榮母習孺人

君諱諶字子展其先本沈氏遠祖自南君禕育於姚遂為姚氏籍隸江

續碑傳卷七十五

浙江

南蘇州府吳縣至君祖始遷歸安之雙林鎮為浙江湖州府歸安縣人君生而徇敏十歲從塾師學日嬉戲不中程度師怒將朴之則請背所誦書無誤奪者師以試餘僮皆不能然君年十四學古文十八補縣學諸生益務流覽無所不學而壹以古文為歸君嘗謂文章原出於經治經之本在明六書小學於是致力說文辨析段嚴諸家得失曾請益於同郡周孝廉學汝程處士可大又從長洲陳徵君宋大令問漢師家法故君於經能遠知端緒顧性喜通不尚專家嘗欲仿劉陶中文尚書例寫定羣經其所欲為之意具答吳費君鏗書鏗陳徵君弟子也其書曰辱手教詢以所為經學諸書欲其助成之諶愚陋讀書鹵莽豈足以言經學然嘗妄欲有所撰述條例已粗具敢略言之就正於足下諶聞學必本諸經通經必先正文字明訓故舍文字訓故而言學其說始於為佛者流非儒學也嘗患今監本經多譌奪而唐之開成石經亦未盡善欲仿汴宋石經例以篆隸二體書為定本初取周易寫之未能終卷蓋其篇次更諸儒遂易錯亂未可遽定又漢儒傳易家數最多其文字異同段借視宅經尤甚非徧攷之不能知其本字而俗書不見於說文者亦多無以下筆周易若是推之宅經可知用是輟業而中文之議始作

中文起於劉陶之定尚書意欲以其例推之各經然其事至鉅而用力至難蓋近時刊本之譌奪可以釋文石經宋本正之諸儒傳錄之誤及後人竄改與俗字非說文所有者可證以漢儒緒說而正之而惟今古文之是非得失則其傳皆最古出於七十子之徒非千歲而下所可懸斷也大抵古文多段借今文多本字文異而義則同西漢經師各爲專門不相通曉東京諸儒始會通其說郝讀爲讀日之例以正其譌郝讀若之例以通其段借而後諸經同異渙然以釋然其中亦有絕不可通者音義乘殊師說互異宜並存之以俟治經者之擇善而從而非可以臆見定之如易費氏爲古文而施孟梁邱亦遠有授受書則太史公馬鄭所傳古文有不如夏侯歐陽經本之善者詩毛氏傳古文多段借而三家多用本字夫古時字少故段借以代之其後孳乳益多似可從其本字矣周官經之有故書儀禮之有古文鄭君所定卽中文也然如周官之祧緡當依故書今禮作濯爵禮經之銘餼當從今文作名饗斯又當以許書正之者論語之古魯齊鄭君所攷定者卽中文矣春秋三傳其經文師承各異宜悉仍舊孝經才一篇定之猶易孟子爾雅無今古文之別獨宜攷正其俗書而已鄙意欲用漢石渠講經例條列諸儒攷

續碑傳卷七十五

六

辯斷以己意爲中文經議其諸經卷第篇目以至漢儒家法異同原流分合下逮梅賾衛包所妄改者別爲攷若干卷又以諸經多段借字一字至十數義者學者苟執本義推之尠有可通蓋六書段借之例有二其一許君云本無其字依聲託事若說文所記鹵朋韋來州革諸字是也其一則鄭君所云蒼卒無其字而以聲近字代之者其用尤廣承襲既久不復知其本義云何謹欲悉求其本字爲羣經段借攷俟成此二書後然後乃寫定經文耳今方攷爾雅之俗字多有不可知者此陸氏所云飛禽安鳥水族箸魚之類可盡去其偏旁然非有證據未敢遽定今以別紙錄上幸詳教之君年二十五以咸豐九年舉於鄉越歲赴禮部試至山陽值寇亂不得達歸時江甯賊亦出逾廣德攻下杭州分兵趨湖州趙忠節公景賢與歸安縣知縣廖宗元創議募勇殺賊設防局司兵餉忠節主之設團局司民丁保甲廖公主之乃用君議分城中爲三十六鄉每鄉之民輪流登陴人自爲守又設循環牌法自甲至癸互相譏察奸宄無所藏匿其後廖公去官君與鄉人士共主其事賊屢來犯楚軍迭出挫賊民丁助之楚軍乃胡文忠公所遣援師自皖中來者兵主爲蕭翰慶蕭死忠節代領其眾十一年冬杭州再陷時城中積穀

少而楚軍各營封捉民船無時得息四鄉商販裹足不前君首持清野之議言於忠節公請以五十舟出城運米諸營主出印憑約敕其下毋得侵擾公不能用俄賊大至四野盡掠至明年三月圍合軍食告盡公計無所出謀捐民食餉軍守備熊某數欲發兵入城抄括君力諍於公而止之至四月民食亦盡公不得已用其客計以三十六鄉分隸各營令自求米君乃爲書抵公云來書欲令營官抄米鄙意以爲不可當前次查米時民間存米不過半月今雖逐戶搜求所得必更無幾無濟於軍而徒斂怨於民明者之所不出也且營官抄米率以淫刑從事百姓何罪橫被慘酷就令得米已屬難堪況徒勒具空券乎今各營尙不至絕食鉛丸火藥亦尙足用不及此時并力突圍以通餉道當復何待孤注一擲較勝坐困今不聞慮此日事搜括搜括既盡又當奈何來書雖云此舉出自營官之意然閣下身爲統領又習知民間虛實閣下不言誰當言者律以春秋之義恐各營不能爲閣下分謗也書入公惡君強聒數謁不見熊某尤恨君欲致之死以計免五月三日城陷君父先一年憂卒君祖母母聞變均赴水死君率妹妻從焉賊至梓君出閨二日縱之逸遂轉徙松江之上海依其族以居同治三年官軍復湖州君聞

鎮海傳卷七十五

亟歸奠告先人慟哭嘔血遂中心疾還客吳以是年九月某日卒於吳得年三十無子君既歿遺文零落其友施份搜集三十餘首編爲二卷而君所欲爲中文經議卒未成堅於丙辰之歲始得識君慮與君交垂十年雖所學不同而服君博聞彊記可繼鄉先正諸公之後君死而吾黨益孤矣份既爲君志多未盡者乃屬堅別爲行狀一通傳其行業以俟後之修郡志其人者謹狀

戴子高傳 張星鑑

君姓戴名堅字子高浙江德清人父某舉人母周氏中孚先生女也周先生深於漢學爲詁經精舍名宿君之學淵源於是年若干爲縣學生一赴秋試遂棄舉業好讀先秦古書遊長洲陳先生碩甫之門既從宋子廷先生爲莊劉之學皆兩漢今文也性倨傲門戶之見持之甚力論學有不合家法者必反覆辨難而後已人故忌之君亦不妄交交則必全始終嘗屬星鑑點定其文稿遇有可商處輒爲改易君未嘗不以爲然也兵燹後當事開書局於金陵延君校勘所刊穀梁毛詩後漢書皆出君手每與星鑑札曰世事紛紜師資道喪原伯魯之徒咸思襲迹程朱以自文其陋一二大僚倡之於前無知之人和之於後勢不至流入

西人天主教不止所冀吾黨振而興之徵諸古訓求之微言貫經術政
事文章於一則救世做而維聖教在是矣君生平不作徒隸書畫悉
本小篆見者以爲江氏良廷復生所學在論語嘗曰鄭康成何劭公皆
注論語而康成遺說今猶存佚相半劭公爲公羊大師其本當依齊論
必多七十子相傳大義而孤文碎句百不遺一良可痛也魏時鄭冲何
晏包咸王肅諸家作解至梁皇侃附以江熙等說爲之義疏雖舊說略
具而諸家之說因此亡佚遂爲論語作注本六經大例以明七十子其
撰微言之旨爲書二十卷凡三易稿而成其他所著有管子校證顏氏
學記詩文集各若干卷藏於行篋癸酉正月朔偶感微疾夢故友招之
去自知不起二月二十六日歿於金陵書局年三十七娶某氏無子友
人温州孫詒讓海昌唐仁壽爲君謀歸葬事并持所藏書分別沽之以
其資刻遺書

戴子高哀辭

莊榘

余於癸亥年譚子仲修自福州移書來盛稱子高之爲人敦樸古處能
讀書今世之君子也自是常耿耿於中欲一見之及丙寅中冬余游省
垣有人叩門而頽然而長鬢纍纍有鬚就而問之則子高也於是縱談者

續神傳卷七十五

八

累日子高嘗從宋于廷先生游于廷先生治管子子高亦治管子方乾
嘉時名儒輩出然所研習討論多在於三禮而易與春秋鮮盡心焉易
自惠氏開其端武進張氏繼之稍有可釋者春秋則公羊穀梁爲正左
氏尙浮夸而意例多闕非聖人筆削之本意至顛軒孔氏申受劉氏始
究其端緒于廷先生學劉氏之學者也子高從于廷先生游故亦學劉
氏之學因以夫子既修春秋則論語爲孔氏之書義例必與春秋同遂
取公羊義例成論語注若干卷工甫竣而子高死矣嗚呼子高今年三
十有五歿以二月廿六日無子省中友人爲理棺槨焉余識子高於今
八年丁卯戊辰間隔三日必相見至今思之何其速也余詩嘗刷訂以
答子高久離別一首殿其末至今思之此詩永不復棄矣而仲修他日
見此詩其必感慨歎歎而莫能已也而余之哀其又將何所終極也悲
夫

胡培系傳

楊暉

胡培系字子繼績谿縣貢生曩者余客衢州識君族孫澍澍精研六書
余敬之澍言不及君因介紹相見蓋君沈浸於三禮者也晨起喃喃諷
儀禮數百徧周而復始諷未畢雖有它事不敢以請嘗謂是書宮室制

度頗難昭晰如朝有天子諸侯之朝制大夫士之朝制廟有天子之廟制諸侯之廟制大夫士之廟制寢有正寢燕寢諸侯以下之制亦與天子異又如朝有行於燕朝之禮行於正朝之禮行於外朝之禮廟有行於祖廟之禮行於禰廟之禮卽就一廟言之有行於廟之室之禮行於廟之廷之禮行於廟之門之禮非講明有素則盲然耳著儀禮宮室提綱未成書而天下大亂亂定以軍功官甯國府教諭猶訪余蘇州談舊事如夢閒余周禮制度名物考稿本兵火焚失勉使再纂余亦勸君屏棄一切早竟宮室提綱之緒然兩人者老矣又爲衣食計不能博壹相視太息而已別後遽病卒烏虜禮家無人矣豈余一人之悲哉

楊峴曰君尙有大戴禮箋證小檀樂室筆談等著皆未梓其子賢不肖不可知所願如鄭康成之有小同則君不朽矣

劉君恭甫家傳

劉恭甫

君姓劉氏諱壽曾字恭甫一字芝雲先世自溧水遷揚爲儀徵人祖文淇優貢生候選訓導父毓崧優貢生薦舉八旗官學教習兩世皆以學行巍然爲江淮間名儒君幼聰慧偶試筆爲詩古文詞斐然可觀山陽丁儉卿先生晏贈詩有大雅掄才小同通德之目比弱冠赴學使者試

儀徵傳卷七十五

九

以經古優贍入縣學爲諸生補增廣生同治甲子光緒丙子科兩中副榜舉人相鄉曾文正公暨前後座主皆悔惜之教習君主江甯書局爲文正所重教習下世文正復招君入局君初膺家事自以祖父名德循行無改事繼母黃太宜人先意承志色養愉愉督教諸弟妹皆克成立姑母適田早薨及歿經紀其喪復爲其孤增義壽生計族中無後者歲時省祭一如其故復立碣表其墓友人有所事或詩文就質君勤勤訓示無所厭悔自入書局旁蒐博覽見聞日擴初訓導君治左氏春秋經傳欲爲劉賈服諸儒義作疏以懲杜氏乾沒荒陋之失爲長編數十巨冊晚年編輯成疏甫得一卷而訓導君沒教習君思卒其業不幸早世君乃發憤以繼志述事爲任嚴立課程孜孜罔懈入今歲中夏已至襄公四年而君亦奄逝嗚乎傷已其他所著春秋五十九凡例表昏禮重別論對駁義南史校義集平傳雅堂集芝雲雜記各若干卷藏於家娶李宜人子師蒼女一君生道光十八年七月朔日歿光緒八年七月

十六日得年四十五

論曰訓導君初與友朋爲著書之約自占得左氏春秋江都梅蘊生先生得穀梁句容陳卓人文得公羊卓人故居揚州受業訓導君之門於

時三傳之學皆在吾郡而先君子得論語先君子所作疏已及大半授
冕續成之光緒初梓行卓人公羊疏甫成卽下世梅先生未遑具稿先
生之子延祖孝廉毓續爲此疏甚力僅成隱公一世而延祖以今春遠
卒君所纂左疏亦僅至襄公四年同時兩經師相繼物化予爲二君惜
尤不能不爲左穀惜也昔漢世公羊學盛行而穀梁遭巫蠱之禍左氏
爲諸儒所沮二家遂衰廢今梅君劉君其才其年均足昌明絕學而不
幸皆未卒業道之興廢固有非人所能爲力者耶君卒之前月復予書
言梅君穀梁稿可授甘泉桂偉臣明經邦傑爲之而君之弟良甫輩皆
博雅嗜學其必能成君之志以繼祖父一家之學是又不得不爲吾郡
厚望已

厚望已

副榜貢生候選知縣劉君墓志銘

汪士偉

國家以文德化成海內百年來尤重經術江淮閒推儀徵劉氏自孟瞻
先生以經學純德師表儒術余同年伯山繼之其良子恭甫又繼之三
世通經精博學者企若吳門惠氏光緒八年孟秋恭甫弟良甫來視余
泫然垂涕告恭甫七月十六日以疾卒於家哀動左右余不禁錯愕失
聲蓋余從君三世游不幸如昌黎之於馬北平也良甫以君狀來乞銘

補神傳卷七十五

義不忍以衰朽辭且哀良甫昆季友于之戚而自歎蒲柳不凋芝蘭早
賞焉按狀君諱壽曾恭甫其字也又字芝雲同治三年副榜貢生光緒
二年又中副榜第一以籌餉勞得知縣晉同知銜年四十五配李宜人
江都方聞士質囑女少君三歲子師蒼方九齡女一亦幼年
甫等葬君於郡城西郝家寶塔之原狀言國學生諱錫瑜者君曾祖孟
瞻先生諱文淇伯山同年諱毓崧皆優行貢生當世幼患所習聞君之
祖若考也嗟乎有生之理必天竺之人養之旣資粹抱懿已或不免獲
於內外免焉而穫落無所遇至有所遇遂行衍醉飽汗漫弗省錄此則
宜有人責矣君乃魚濡獸趨期副知我其神旣敞敞則疾去之勢也念
君自同治初旅金陵書局其府主則洪琴西都轉也其賞拔則曾文正
以來六七公也此皆一代名卿大夫甲推乙掖躋君於雅材之右豈詘
於人不知耶食人食者事人事卒以積瘁至不逮中壽莊生所謂以有
涯隨無涯日遠於冥極竭於報稱而忘其原不給也君孝友謙謹孚於
人人治經該博擣詞古雅大師碩彥禮先縞帶嘗修江都縣志又偕余
纂江甯府縣志份冠吾曹所校刊者多官書所自著有傳雅堂詩文
集及札記若干卷昏禮重別論駁義南史校義集平文譜類釋臨川答

問若干卷良甫等衷之藏於家昔余嘗謂倫理者所以養人性情者也出卽劬於所執入而有孔懷之歡室家之好不猶足宣暢人之志意乎孟瞻先生里居教授伯山辟寇盡室與偕惟君旅寓吾郡十餘年所居飛霞閣踞冶城山顛下行百數十級抵山麓始暗人獸迹終歲樵汲寄一雇僮每至窮秋繁霜坐臥一斗室意勅出步寒煙無極北望廣陵雁行負阻斜暉西沒孤鏡青榮百蟲迸絕雖無悲笳牧馬之烏烏而我影偶我略聞遠拆放牖四顧闕宋若塞外度君情猶人耳安能當此而不憎然動心哉嗚乎此亦足以傷君之一也因爲之銘曰

差之飽之祖所遺茹也播之穫之考所遺喻也卒之賦之舊德之醜也翼之終之羣季合勗也孚家孚邦謹令譽也峇如屋如非山鬼所諱迺神質不節微嘗遂莫之荷也

劉熙載傳

儒林傳彙

劉熙載字融齋江蘇興化人少孤貧篤行力學十歲喪父哭踊如禮鄉里異之爲人內清介而外和易讀書暗指識微約言孱守至訓醉事變一斷以誼理與之居久者莫不灑然自御其非心道光二十四年進士改庶吉士散館授編修其友宗裕昆疾革貽書屬督教其子或尼熙載

將考差矣益緩謀歸答曰使垂死之言而可負吾豈有人心者哉卒踐

續神傳卷七十五

士

諾咸豐二年九月命直上書房侍

顯廟潛邸時讀每進講先日潛思掣貫左右博喻歸之於正糲食藿羹敝衣徒步非人所堪處之泊如時故相倭仁同直以操尙相友重論學則有異同倭宗程朱熙載則兼取陸王及邵百源陳白沙沈震反覆涵揉自得以慎獨主敬爲宗而不喜學部通辨以下培擊已甚之談其不阿如此俄病辭直復

召對稱

旨旋

御書性靜情逸四大字賜之六年京察一等

記名以道府用熙載不樂爲吏乞假客山東授徒自給十年入都補官時有夷警官吏多遷避山谷閒熙載獨守志不去會撫議成湖北撫臣胡林翼延主江漢書院以貞介絕俗學冠時人疏薦鄂省戒嚴則曰吾居此客也有可去之義遂游太原以經學教授同治初元再奉召命未起三年春徵爲國子監司業督學廣東歷遷左春坊左中允行

部所至蕭然如寒素作懲忿窒欲遷善改過四箴訓士謂士學聖賢當先於此四者從事五年乞病歸襪被篋書而已熙載治經無漢宋門戶之見其論格物兼取鄭義論毛詩古韻不廢吳越叶音讀爾雅釋詁至印吾台予以爲四字能攝一切之音以推開齊合撮無不如矢之貫的又論六書中較難知者莫如諧聲疊韻雙聲皆諧聲也許叔重時雖未有疊韻雙聲之名然河可疊韻也江工雙聲也孫炎以下切音下一字爲韻取疊韻上一字爲母取雙聲非許氏實開之乎徐鉉注說文字音以孫愜唐韻音切爲定要之許氏之聲本可爲切由古人制字其中本具字母也如江字許云工聲注古雙切若用許之本聲易爲工雙切不

正切江字乎且如脂字許云旨聲模字許云莫聲孫氏業取其音以爲母矣至如虞吳聲佳圭聲殷身聲蕭肅聲宵聲苟以許聲加孫韻皆可爲切而一切雙聲之字不可以類求之乎又作天元正負歌以明加減乘除相消開方諸法嘗戒學者曰真博必約真約必博又曰才出於學器出於養又曰學以盡人道而已士人所處無論窮達當以正人心維世道爲己任不可自待菲薄平居嘗以志士不忘在溝壑遯世不見知而不悔二語自勵自少至老未嘗作一妄語與人交際無貴賤一以

謙誠待之人亦不忍欺在貴爾瘠處約逾榮表裏渾然夷險一節德量淵邃莫能器之卒年六十九光緒八年七月奉

特旨入儒林傳有品學純粹以身爲教之

哀所著有四音定切四卷說文雙聲二卷說文疊韻二卷昨非集四卷藝槩六卷持志塾言二卷

劉融齋中允別傳

光緒八年

國史館上言儒林文苑傳曠不修懼經明行修之士久而湮沒不著宜下各直省采訪以聞

從之於是江蘇巡撫衛公榮光以故左春坊左中允興化劉君事實上聞奉

旨原任詹事府左春坊左中允劉熙載前在上書房行走曾任廣東學

政旋因病請假主講上海龍門書院品學純粹以身爲教成就甚多洵

足爲士林表率著即宣付國史館列入儒林傳以彰碩學欽此仰見

聖主敦崇實學嘉惠儒臣式刑多士之至意於是海內士大夫夫知其事

者僉曰允哉公傳在史館名在天下旣足傳諸天下後世矣然金匱石

室之藏非草茅所得聞見穆自同治十一年壬申之冬客遊海上與公還往凡八九年稍能窺公學行崖略乃據公家狀及其所撰諸書大旨別爲一傳以示同志者焉公諱熙載字伯簡一字融齋江蘇興化劉氏曾祖瓚祖銓考松齡世以耕讀傳家公少孤貧力學中道光十九年己亥

恩科舉人二十四年甲辰成進士改翰林院庶吉士二十五年乙巳散館授編修咸豐三年癸丑

文宗顯皇帝召對稱旨奉

命直上書房久之

上見其氣體充溢早莫無倦容問所養對以閉戶讀書

上嘉焉書性靜情逸四大字賜之六年丙辰京祭公名在一等記名以道府用旋以病乞假十年庚申湖北巡撫胡公林翼特疏薦公貞介紹俗同治元年壬戌

詔起舊臣公與焉其明年兩奉

命督廣東學政旋補春坊左右中允五年丙寅引疾歸遂不出當道請

主講上海龍門書院凡十四年以終公秉性儉約至貴不改其初嘗以翰林直

內廷徒步無車馬有晏子浣衣濯冠之風視廣東學一介不苟取諸生試卷無善否畢閱之試畢進諸生而訓之如家人父子焉作懲忿室欲遷善改過四箴以示之其主講龍門書院與諸生講習終日不倦每五日必一一問其所讀何書所學何事黜華崇實祛惑存真嘗午夜周覽諸生寢室其嚴密如是與人居溫溫然無疾言厲色與客言善談議亦時雜談諧嘲笑恆不見其有高邁遠俗之槩而意有所不可亦卒莫之能奪也閒居敝衣糲食不多用一錢親故有貴顯遠有饋不一取有貧苦必多方周濟而待客又必盡豐潔其處已接物變動不拘又如此幼敏悟太翁鶴與公嘗曰此子學問當以悟入故公晚年亦自號磨崖子自六經子史天文算法字學韻學下至詞曲以及仙釋家言靡不通曉尤以躬行爲重嘗曰所貴於學者求盡人道而已所著書有四音定切四卷說文雙聲二卷說文疊韻二卷持志塾言二卷藝概六卷昨非集四卷皆公晚年在書院自爲校栞行世又有自記語錄若干卷藏於筒未能整理其敘四音定切曰余幼讀爾雅釋詁至印吾台子四字忽有

所悟以爲此四字能收一切之音後證之諸韻書皆合益自信乃易以
欵意烏于四字蓋欵意烏于皆取聲音之名以爲名其於印吾台子則
欵代印意代台烏代吾于代子也前數年客有問余以切字法者余先
問之曰子知開口正音開口副音乎曰知之子知合口正音合口副音
乎曰知之開口正音開口副音一名齊齒合正一名合口合副一名撮
口子知之乎曰知之曰吾有常言之四字欵意烏于是也子知之乎客
曰將焉用此曰然則子之所謂知者豈誠知乎夫欵字收聲者名開口
首意字收聲者名齊齒音以及收烏名合口收于名撮口自非先辨欵
意烏于何以能定開齊合撮也不能定開齊合撮而欲切音更何以能
定上一字母下一字韻也嘗試問子關雎河洲四字於欵意烏于宜若
何分屬客謝未能余曰子試於關字長其聲以讀之雎河洲三字皆長
讀之客從余言余曰子覺關字下隱然有一彎字乎雎字下隱然有一
于字乎河字下隱然有一阿字乎洲字下隱然有一優字乎曰然彎亦
烏也阿亦欵也優亦意也于則無俟復言是則開齊合撮不既定矣乎
推之一切韻之收聲可知矣客悅曰此愜吾未前聞然尤願論撰以貽
後學俾得與能也續碑傳七十五今余爲圖說既成又因及門黃接三

續碑傳七十五

西

鑽研韻學與之準佩文詩韻字數輯爲韻釋四卷事固有難已者書名
四音定切蓋原其實且使余向者之所以自悟與所以告客者胥統焉
其敘說文雙聲曰切音始於西域乎非也始於魏孫炎乎亦非也然則
於何而起曰起於始制文字者也許氏說文於字下繫之以聲其有所
受之矣夫六書中較難知者莫如諧聲疊韻雙聲皆諧聲也許氏論形
聲及於江河二字方許氏時未有疊韻雙聲之名然河可爲疊韻江工
爲雙聲是其實也後世切音下一字爲韻取疊韻上一字爲母取雙聲
非此何以開之哉是編獨詳雙聲者以韻有古今之別雙聲則古今一
也徐鉉等注說文字音以孫愐唐韻音切爲定要之許氏之聲本可爲
切由古人制字其中本具字母也是編韻借孫氏母卽用許氏之聲如
江字許云工聲注古雙切今用許氏之本聲易古雙切爲工雙切不正
切江字乎由江字推之如脂字許云旨聲模字許云莫聲孫氏業已取
其聲以爲母矣至於虞佳殷蕭宵尤等字虞吳聲佳圭聲殷月聲蕭蕭
聲宵肖聲尤又聲苟以許聲加孫韻皆可爲切而一切雙聲之字不皆
可知乎夫雙聲之大略不外乎清濁二聲之從類及開口齊齒合口撮
口四呼之相通自有切音以來學者固皆知之惟其知之則與余之游

源於古人制字之本音必有合也余纂說文雙聲僅舉崖略及門陳仲英以爲裨於小學攷矻助余成之學者誠因是編以契許氏之聲因許氏以契古人制字之音庶無負諸聲之本指也哉其序說文疊韻曰書以說文疊韻名疊韻也者疊古韻也古韻有與今同有與今異與今同者卽爲今韻何以不疊今韻今韻不勝疊也夫古韻可據者有若詩百篇焉有若屈宋之辭焉推之凡古有韻之文無不可見何必許氏一人之書顧許氏於字下繫聲所以著韻卽出於其字雖雙聲亦在其內要不及疊韻之多卽但以疊古韻而言其字亦豈少哉論者於河可其知爲疊今韻於江工或但以雙聲目之其實雖取雙聲亦取疊古韻也然則欲明古韻舍說文其可乎閒嘗以此語及門袁竹一竹一所見輒符余因與之輯疊韻上下卷以明說文合體之字與獨體之聲體既相因韻自相合卽有不合亦由後人之失讀類非古韻之本然是編於許聲雖若有信之過者然過信猶愈於過疑況信未必過也同校者爲及門黃淵甫益亦以其明於許書而屬之至古韻大指爲余舊著今列爲首卷雖所言不專在說文要與說文相發云公於音韻小學確有心得之外而潔身修行與有宋諸儒言行相爲表裏凡日有心得隨筆記載晚

續神傳卷七十五 五

年手編定爲持志塾言上下兩卷內分子目二十事曰立志曰爲學曰窮理曰存省曰擴充曰克志曰力行卷上曰盡倫曰立教曰人品曰才器卷下曰致用曰濟物曰正物曰處事曰處境曰處世曰天地曰心性曰禮樂卷下復爲之序曰孟子始言持志志之賴於持也久矣持之義不一端大要維持之欲其正也操持之欲其久也持之方不一端大要善其志之所以養也慎其志之所以發也每念古人之學無不以此爲兢兢而卽可準此以見吾人之失故余之教於塾也嘗以持志二字額其齋焉塾中講貫自聖賢經義以及先儒格言固皆有課程矣其有不及舉古人之辭但自言之以取易明者則隨時筆而存之蓋以便學者之復習也原本卽名持志塾言惟不立門類不避重複未免雜而難約今姑刪複分類以成二卷然亦但如原本之所有而未嘗增益實亦未嘗得整齊次第之宜焉夫持志之功深求之而未盡者也學者誠由所至而進推焉則是編者或由淺之深之藉也與公旣以持志塾言教授及門諸子及窮鄉晚進之餘又探討古今人詩賦古文詞曲書法經義深造自得復爲藝槩六卷子目有六曰文槩曰詩槩曰賦槩曰詞曲槩曰書槩曰經義槩自爲之序曰藝者道之形也學者兼通六藝尙矣次

則文章名類各舉一端莫不爲藝卽莫不當根極於道顧或謂藝之條緒綦繁言藝者非至詳不足以備道雖然欲極其詳詳有極乎若舉此以槩乎彼舉少以概乎多亦何必殫竭無餘始足以明指乎是故余平昔言藝好言其槩今復於存者輯之以名其名也莊子取槩乎皆嘗有聞大史公歎文辭不少槩見聞見皆以槩爲言非限於一曲也蓋得其大意則小缺爲無傷且觸類引伸安知顯缺者非卽隱備者哉抑聞之大戴記曰通道必簡槩之云者知爲簡而已矣至果爲通道與否則存乎人之所見余初不敢意必於其間焉公於古人詞章文學既有深造獨得之境嘗有述作不自收拾隨時散佚晚年就篋中所存詩文詞曲各類編定四卷而以所仿周秦諸子書寓言四十二篇曰寤崖子列爲卷端總爲之序曰此集始名四句集蓋集中所編入大率四十以前作也余之少也學不知道雖從事於六經然頗好周秦間諸子又汎濫諸仙釋書并騷人辭客之悲愁放曠借衰暮感羈旅者亦未嘗不寓目焉故當時所作指趣多所出入且有傲然自得而不知其爲非者豈非沈溺之甚也哉四十後乃始悔之又後則欲勿存之矣旣而思之非與是不容偏掩者也是中有非非中亦豈必無是狂言聖擇理或同與且卽未必有是然存之以著其非庶鑒余非者得以及時趨是而不至若余之過時而悔與偶憶陶淵明辭有昨非二字因以名集昨之云者豈獨爲四十以前言之乎四十以後附入者自視實亦未見是也故並以昨非槩之以上六書惟持志塾言成於同治丁卯藝槩成於癸酉餘四種均成於光緒三四年間先後公自校槩成之遺書有讀書劄記游藝約言制藝書存三種乃公歿後公子彝程等從公篋中所存手稿分類鈔出示公及門諸弟子於丁亥冬續刊之劄記與持志塾言相類游藝約言與藝槩相類制藝書存原爲昨非集之第六卷公刊集時尙在游疑未能卽時刊入者也公早年工行楷書法晚年喜撫漢魏人八分篆書久之鎔鑄一體規模奇古變化無端人有求者亦時應之又嘗命工爲刻一石時以餉人亦自喜也公以光緒六年庚辰夏五月上海龍門書院構寒疾其初尙輕尙能時時見客及拜容穆以四月間由上海廣方言館附輪船回里至五月二十七日回館次日卽到龍門書院候公起居時公構疾已十餘日尙能談話如故留同午餐至六月初三日公乃到廣方言館訪談移時乃去自是以後穆數日輒往書院候問公疾雖未瘳尙能坐話移時至十七日公門弟子沈約參袁竹一到館言公疾

久不瘳思回輿化穆卽同局總辦李勉林觀察相商李君故與公友善乃爲主張以本局小火輪船拖帶公舟回鄉較速公乃清理書院一切事宜卽於七月十三日登舟時穆亦將有事於蘇州卽附公舟於十四日已刻抵蘇州胥門外小泊穆卽別公上岸時公病已不能興矣公歸里後疾亦時重時輕中間尙能訪老友陳君茂亭一談至七年辛巳二月乙未乃終於里第正寢距生於嘉慶十八年癸酉正月癸巳享年六十有九夫人宗氏先公年歿公子三人長彝程太學生精通天文算法公嘗與穆談及時以爲慮曰察見淵魚不祥次展程光緒元年乙亥恩科舉人三尊程縣學生女二人長適高郵吳嵩泰次適泰州唐恩祥孫三人啟說增說詳說

清誥授奉直大夫

誥封資政大夫重宴鹿鳴翰林院編修俞先生行

狀

曾祖 祖廷鑣乾隆甲寅

恩科

欽賜副貢生

妣夏氏戴氏

考鴻漸嘉慶丙子科舉人

妣蔡氏嵇氏姚氏

本貫浙江湖州府德清縣人年八十有六

續神傳卷七十五

七

先生諱懋字蔭甫號曲園舊居德清東門之南埭姚太夫人生子二先生居次先生生三日太夫人得病甚危積二十餘日始愈四歲遷居仁之和臨平鎮先生幼有夙慧太夫人授四子書過目不忘九歲戲爲書自注其下著述等身篤老不倦實兆於此年十六補縣學生道光丁酉科副榜貢生甲辰

恩科舉人庚戌舉禮部試覆試一等第一名

殿試二甲

賜進士出身改翰林院庶吉士覆試詩題爲澹煙疏雨落花天首句云花落春仍在爲曾文正公所賞謂詠落花而無衰颯意與小宋落花詩意相類言於同闕卷諸公置第一此先生受知文正公之始後遂以春在堂名其全書志知遇也咸豐壬子散館授編修以博物閱覽稱於輩下名輩乙卯四月考差

上以舜在牀琴命題時海宇多故

宵旰憂勤先生借題發揮以見古聖人不難不疎遇變如常并旁引文王之羨里鳴琴孔子之匡邑被圍絃歌不輟以明先後聖之同揆八月簡放河南學政奏請以公孫僑從祀

文廟及聖兄孟皮配享崇德祠並邀

俞允甫再歲以人言罷歸僑居蘇州先生既反初服乃壹意治經以高郵王氏爲宗其大要在正句讀審字義通古文段借由經以及諸子皆循此法莫不肯王氏之旨其羣經平議則繼王氏經義述聞而作諸子平議則竊附讀書雜誌之後古書疑義舉例則小變經傳釋詞之例而推衍之先生之私淑王氏謹守家法不苟如此逮其後俞樸雜志曲園雜纂茶香室經說諸書出其析疑振滯皆與前書相仿或有精義較勝於昔學與年進先生不自諱也先生居吳猶及見宋大令翔鳳得聞武進莊氏之學故一切恣緯家言先生亦偶涉之要見先生精力過絕於人遠甚先生業以著書自娛遂不復出曾文正之督兩江李文忠之撫吳下咸愛重之先生以巾服從游往來如處士文正有閎才不薦徒竊高位之語論者謂文正懲徐侍郎之奏不敢繼進於先生本志所在固未喻也先生厯主講蘇州紫陽上海求志德清清溪歸安龍湖等書院而主杭州謁經精舍至三十一年爲厯來所未有其課諸生一稟阮文達公成法王侍郎和孫觀察星衍兩先生之緒至先生復起而振之兩浙知名之士承聞訓迪蔚爲通材者不可勝數門人爲築俞樓於孤山之麓以與薛廬相配游湖上者皆能指其所在相與樂道其地不絕先生自少至老讀書著述皆有常程每竟一歲皆有寫定之書刊布於世晚年足跡不出江浙聲名溢於海內遠及日本文士有來執業門下其不及者則從海舶寄書質證賦詩相祝而如蒙古賢王京邸宗藩或遠來求書或以楹帖寄贈以致傾慕先生居林下四十餘年於光緒癸卯正科溯舉道光甲辰鄉試計周一甲子浙中大吏以重宴鹿鳴請得旨復編修原官有早入翰林殫心著述啟迪後進人望允孚之

諭先是先生省母於其兄福甯官舍晤閩浙制府英香巖相國爲道咸豐閒以河南巡撫入覲

文宗猶詢及姓名有人頗聰明寫作俱佳之

諭先生聞之不覺失聲至今上復有此

旨稽古之榮一時無兩往者曾文正謂先生拚命著書食報之隆乃償於後可謂極儒生之殊遇矣先生訓誥主漢學義理主宋學教弟子以通經致用蔚然爲東南大師晚歲憂傷時局常語人曰形而上者謂之道形而下者謂之器以中學爲體者道也以西學爲用者器也病中猶以毋域見聞毋忘國本垂爲家訓束脩所入別以賣文字自給有餘則

振瞻親族拯卹災患樂以爲常授孫陸雲讀不名他師陸雲以戊戌弟三人及第親見其典試蜀中舉特科乞假待左右賦詩相樂其祖孫翰林庶幾亦猶高郵王氏文肅之於文簡先生雖得年稍遜懷祖名山之業固實繼之世俗耳食多以曲園比之隨園雷同相和所謂貌同心異有道於通人之前宜不值一映也先生以光緒丙午十二月二十三日卒於蘇州寓廬臨終賦自喜留別詩以賤啟代訃夷然委化至無所苦朝野人士聞之相與咨歎謂頓失儒宗後生小子於何宗仰今江蘇巡撫陳公廬舉先生學術及所著書入奏

天語寵被

詔入國史儒林傳以旌其學者儒著書之富受工部尚書知之厚信無如先生者卽其仕不中蹶度至卿相而止耳以彼易此殊有不侔先生可以慰矣先生著書凡五百餘卷其有功經義諸子則有羣經平議五十卷諸子平議五十卷第一樓叢書三十卷曲園俞園雜纂共一百卷茶香室經說十六卷古書疑義舉例七卷餘具先生自著全書錄要中先生於兵燹後總辦浙江書局建議江浙揚鄂四省分刻二十四史於浙局精刻子書二十四種海內稱爲善本又議鈔補浙江

文瀾閣舊藏

續神傳卷七十五

九

四庫全書今閣重建而書亦稍具沾溉儒林嘉惠尤非淺渺古來小說燕丹子傳奇體也西京雜記小說體也至太平廣記以博采爲宗旨合兩體爲一帙後人遂不能分先生右台筆記以晉人之清談寫宋人之名理勸善懲惡使人觀感於不自知前之者閱微草堂五種後之香齋龕四種皆有功世道之文非私逞才華者所可比也荃孫於光緒丁丑初見先生於曲園奉手受教先生因與先君子丁酉同譜誨之尤切後每過蘇必侍談數次先生成書必先遺之荃孫有所撰述亦必郵呈訓誨去年九月猶侍談三時之久窺見先生精神強固言語貫串私心自喜以爲可繼伏生之長壽爲後進之導師別後又兩奉手書而孰意竟不及再見耶嗚呼悲已謹略舉先生爲學大概及聞見所及如右以備當世爲志傳者之采擇若其持論之精先生全書具存第而擷之是在史氏鄙之所述庶亦以埒麗焉

鄭東父傳

馬其昶

鄭君諱臬字東父直隸遷安人父鳴岡以舉人令卽墨有惠政到官數月卒貧不能歸有三子長果次東次卽君吏民懷其德爭來致殷勤饋

薪蔬亦以貧故遂留滯官所母夫人李氏賢明人也在約彌厲瘁志教子未幾次子東成進士復病卒死喪仍薦意不自沮日夜督君學君少時家無一椽半畝之遺生事之艱當時殊不自意饗殮朝夕皆母夫人心力所營不令君知也其後每言之輒痛心焉君文日有名光緒五年遂用卽墨籍舉山東鄉試第一明年成進士授刑部主事迎養母夫人至都其後三年桐城馬其昶與締交心知君學出己上宜爲師而君願引與爲友嘗登堂拜母母命坐君侍立恂恂有孺子色母曰是兒早失父無教今辱友子幸勉其學好矣其昶敬悚汗下不知所爲對時將歸里已戒期首塗君言於母流涕也是日見君事母温恪之容積中溢外益悔恨平日之所虧於子職者甚大先是其昶在都月與君必再三見每見開口言論皆三代典籍退未嘗不自悔恨其失學而鹽山劉若曾桐城姚永樸永概先後因其昶以交君皆言與君接如對古賢聆其言都爲創獲旣歸莫不充然各有得也君之學自經訓史傳朝章國故以逮百家眾說無所不涉而獨耽於經於經無所不致其力而尤莫篤於春秋君之言曰古者入學祭先聖先師作經先師述之爲傳今欲明聖人之經必自篤信先師之傳始如易有十翼春秋有三傳禮有記

續傳卷七十一

十一

有喪服傳有周官禮詩有序傳書亦有序大傳又有孝經論語孟子爾雅爲五經之總傳苟據此以求聖人之意十可七八得自唐後儒者多不信古傳而自立新說經之難明固無惑焉其說春秋也三傳錯出必求其通以謂左氏明魯史舊章二傳則孔子推廣新意口授傳指公羊明魯道者也穀梁明王道者也左氏則備載當時行用之道當時行用之道霸道也所以必明魯道者爲人子孫道在法其祖也穀梁則損益四代之趣咸在焉惟聖人崛起在帝位者乃能用之也其爲說兼綜三傳若瓜蔓然牽引連互不相違害而尤兢兢致嚴於事天事君事親之辨謂春秋首致謹於元年正月正月者正卽位也人知卽位之爲君道而不知其爲子道也雖無事必舉正月謹始也必能爲父之子而後能爲天之子矣春秋之有三正由其有天君父之三命也春者天也王者君也正月者父也將以備責三正而單舉正月何也事天事君皆以事親爲始也凡君所論著如此當乾嘉熾盛之時諸老先生慮無不崇尚樸學篤古多聞君治經亦循其軌轍而獨有意於前哲之微言大義使儒術鑿然可施效憤當時辯言亂政之徒縱恣蔑古禍乃甚於坑焚塊坐一室之中誦習本經眇然有千載之慮而又恥於近名不輕著書以

爲學期自得積之久而徐出之庶有當於古聖人經世垂訓之萬一烏乎孰知學成而無用於世而今則死矣其所爲書就不就未可知而又無盾子以承傳其業尤可悲也歲甲午其昶入都再見君母夫人猶無恙贈言而別其後來赴母喪又數年間其主講山東濼源書院尋以疾卒於京師年四十有九蓋君終其身靡一日匪讀經之時卽終其身皆事親之時親之事終而君死在君無憾耳獨古聖賢經傳之幸而留遺於今者亦存亡絕續之秋也於斯時也而獨有君而又不克竟其業以死此何爲者邪然而推君事天之心其勿敢有懟焉決也君旣死天下書院率奉

詔改學堂姚永樸教習山東從其徒友問君所著書得殘藁數種手錄以歸其昶於是并舊所錄者編爲鄭東父遺書六卷合肥李國松栞行之因次論其傳於首

馬其昶曰世學者言治經大抵皆後易謂其學難明君獨言易視他經易明以有十翼可據依也余學易自茲始而姚永樸治尚書兩人皆自知學不如君兩人書幸成皆私冀他日得從容就君正焉昔丁敬禮有言後世誰相知定吾文者嗟乎泱寥天寓今其已矣後世卽有人又甯

能爲益於吾邪此吾鄙所以益悲君不能置也

續碑傳卷七十五

大挑教諭揀選知縣陳君墓志銘

李詳

惕庵先生旣沒之三月余爲哭者再念君所識海內諸子零落泰半其存者又相距絕遠遺孤塵五歲不克奉其先人行狀乞文當世今葬有日矣自諗與先生交二十年情好款密共歷夷險疇昔之雅不異昆弟其幽情摯行有獨爲余所窺者若以閑默不著其烈負我知己爲屣益顯乃敬撫其門人姚君所爲狀而書之曰君姓陳氏諱玉樹字惕庵後更名玉樹自詭以時雨潤物有濟於世考諱蔚林縣學生以善治毛詩名有詩說二卷長沙王祭酒先生爲志其墓謂能與高郵大師王氏父子相翕應者也君治經首通訓故求其涉於經世之用漸漬於史故其爲文馳辨博喻取證前古爛然溢目律以

國朝浙東之學於謝山全氏爲近而原本忠孝上承梨州君孤行海表一與之合余往謂鹽城得縣以來自臧子源陸君實後文章行義未有如君者君之遺書具在有不訶余爲諛君墓始可語此庸人善構同異厚誣君子詭容一一相責要余爲能知君逝者未淹庶其無恨君自少時讀書辨志躬賴貧賤雖遭困阨皓然之氣不爲之奪平生之學一以

墨氏爲宗摩頂至踵若徇親戚及其智能索盡往往流涕奔訴然後卽安故始之爲君危者旋復交口頌君不知君所捍禦非爲身謀旣沒之後尚有議其堅持已是匪石可轉義故驅扇四友闕如者要皆不足爲君病也君之樹績鄉里若修天妃閘請罷設臺捐嚴定米禁諸役皆焦神苦思親犯不避以一儒生號呼當路咸亮其志俾底於成蕭然往來絕口榮譽清如夷惠勇過賁育非君孰能任之病旣危篤隴胡稟語猶以米禁爲念君之堅識斷可見矣君應兩廣制府西林岑公之招再赴廣東未幾以風痺歸歸未數月而卒精銷志耗輕客瘴鄉遂以齎恨重冥垂沒猶視祝余之歎古今同揆悲夫悲夫君以府學廩生舉光緒戊子科優行貢生旋中本科舉人大挑教諭不赴其書已行者毛諸異文笑鹽城縣志後樂堂集民權釋惑教育芻言

欽定勝朝徇節諸臣錄校勘記凡數十卷若卜子年譜爾雅釋例米禁問答彙並寫定具藏於家君卒於光緒丙午八月四日上距生於咸豐癸丑三月某日得年五十有四子宗濬妾胥氏出孺人張氏有淑行先君卒君孝於父母友于兄弟睦於夫婦信於朋友雖未膺一命而窮年憂國歎息內熱忠實款著稿於五倫爲備沒齒永踐無累盛德君與余

續申傳卷七十五

定交以後所詒簡牘至數百通杼臆論學悉履軌則昔抱肺病爲書要君欲以妻子相託慷慨往復義存信誓乃今執筆銘君事會回沈痛其何極銘曰

植行若矩環文不耀九關閉闔端憂靈照羈等投汪智窮鑿竅秋雲翳然雁鶩競嘯氣衝星象音闐蓬壑所忠未臨巨卿有弔奄委下泉掉磬眾妙行人式此請謝來譙

趙聖傳傳 陳慶年

趙聖傳字蓉裳江蘇興化人廩貢生少穎悟異常兒聞人讀書每能臆其下句旣冠補縣學生卽棄舉子業日夕窮經精熟左氏傳先治世族學於舊說之失多所舉正如襄九年疏引服云皇鄖皇父充石之後十世宗卿爲人之子大司馬椒也近李次白引衛定姜稱孫林父爲宗卿爲證正之云傳所列宋六卿皆公族何獨于皇鄖明其爲宗卿宗卿二字實東鄉形似之訛周禮大司馬鄉以州名注云鄉則南鄉甄東鄉爲人是也鄭注東鄉爲人卽服注之東鄉爲人傳言宋有四鄉正故以四方爲名惠天牧禮說据廣韻引世本宋有大夫東鄉爲疑多人字段若膺周禮漢讀攷知廣韻引奪人字謂此卽左傳宋之向爲人向鄉通不

知檀弓疏引世本樂善之祖父曰東鄉克父曰西鄉士曹又文七年疏引世本鱗矐稱東鄉矐豈能盡讀鄉爲向段又以東鄉矐爲例謂矐與爲人同爲桓族故得稱東鄉爲人不知傳言宋有四鄉正故以四鄉爲號豈得因爲同族遂可假稱其說愈失又服注椒字又邠字之訛邠通邠與椒形聲絕遠無緣左傳名邠世本名椒也又成十年傳晉侯夢大厲曰殺余孫不義疏世本云公明生趙夙夙語云趙衰趙夙之弟則括之祖公明是也服虔又以爲公明之鬼正之云此後人誤改世本服所据者乃原文其文云公明夙生共孟及季衰晉語韋注於趙衰云公明之少于成子衰也於趙穿云趙夙之孫趙盾從父昆武子穿也韋自序以世本考其流則其所据世本原文也與服注足互明疏從杜注以衰爲夙弟乃因杜誤會國語文義此疏及宣二年疏皆引晉語云趙衰趙夙之弟閔元年疏更引晉語云趙衰先君之戎御趙夙之弟也考此爲宋公孫固告襄公語原文作趙氏不作趙夙未明道本國語與今本並同云趙氏之弟則不得徑指爲夙之弟矣晉語蓋謂衰爲共孟之弟公孫固告襄公時夙已死故舉共孟言之共孟者衰之兄及穿之父也故世本於趙氏譜與衰並著之穿後世爲大夫有世譜故必著之又必衰

續碑傳卷七十五

室

係夙適子孟雖長乃庶出故士會謂爲趙之側室合觀內外傳及世本於此世次並合以公明爲夙字亦相配云其說足正杜氏之失左氏世族之學近儒之書頗未精博君謂高誘注呂覽於春秋系譜尚有誤說畢弇山校本至不能舉正蓋於是學未精熟也宜別作春秋世族譜顯其所出以發疑隱繼以服注於世族最精遂總輯服氏傳注作左傳服義述於諸家搜獲之外更攷得二端以明服書之體例其一本疏中所載鄭眾馬融二家之注以及彭汪許淑等解傳之義又疏中有以賈鄭二家之說及賈馬二家之說並列者皆服注所引用而加以辨論疏杜注者棄其折中之語惟取其所載諸家之解漫加詆斥然亦有錄服語刪之不盡者如皇父之二子暨齊平琴張服載舊說而斷以己意者仍存疏中以三處推之知所載前人之注率多加以斷語此端一開足以衰輯服注原文又累數十條矣且攷服注所載固必具諸家同異亦有僅列前人之注已不復增注者如御覽於梗陽人有獄節引服注先引賈逵云訟者之大宗此解其大宗賂以女樂句又云二子晉大夫魏子之屬此解女寬之爲晉人又云召二大夫食此解饋人召之句又云小人二子自謂此解或賜二小人酒句然後載服注云昨飲酒醉故不夕

食又云屬足也又云小人二子自謂此解以小人之腹句之小人與賈
解二小人酒句之小人嫌重複然後云腹飢云云方解屬厭之義據
此知錄此注者係全鈔服注中所引者不然豈鈔注者前皆用賈注後
皆用服注乎又豈服注前文無解說鈔者取之不得乎必不然矣據御
覽此條足知服注體例其前人已注者惟引其注已可無注故疏中每
云賈逵云然故杜用之常不及服者以服已用賈說更無他說準此以
推又知諸書引賈而不及服者多可錄存又得若干條矣此一端也又
有一端可攷者九經注疏皆係六朝人舊本其周禮儀禮公羊三疏均
係北朝所作唐人用之未知有所修改與否如公羊疏多載賈服左氏
經本昭然可見二禮疏引左傳注多用服注其引杜注甚少又必明標
杜氏今攷二疏所載不特明標注字悉為服注即不稱為注而疏自立
說者亦多本服義立言如少牢疏謂魯公子展以展為諡與杜不同係
用服義自明疏中如此者多有又可錄存若干條矣自惠定字表章服
注治服學者相踵皆未能發此義焉又夏商官制經傳未嘗詳列其名
先生為文攷之云周語祭公謀父言我先世后稷以服事虞夏衰棄
稷弗務先王不寤用失其官據此更未聞商興復后稷之官第祀用棄

續神傳卷七十五

五

耳然則號文公諫宣王所陳耕籍之典官制甚具先云稷為大官下冠
以古者太史云云又稱天子為王知所陳者必夏官制矣宋用殷禮則
左傳襄九年所記宋救災事敘官制粗具亦殷制也今依周官分六典
而以此兩處為大宗以攷二代之異同一太宰之屬夏無太宰伏生尙
書夏傳云天子三公一司徒公二司馬公三司空公據此知夏以三公
兼三卿之職則司徒之官最貴而無太宰周語云王乃使司徒咸戒公
卿百吏庶民夫作大事以王命戒百官乃太宰之職因無太宰故司徒
戒百官更按下文先王巡行有司空司徒大保大師而無太宰益可證
夏無此最貴之官周語又云宰夫陳饗以王歆太宰故與周宰夫掌牢
禮之具制同則無太宰小宰而有宰夫也商有太宰之官左傳云使西
鉏吾庀府守令司宮巷伯微宮杜注云鉏吾太宰也杜固以宋有太宰
亦望文知之然誤以府守為六官之典當從劉炫說為府庫守藏與周
制太府王府等屬隸太宰同又按此傳云使某官令某官者皆兼使轉
令其屬官杜注司宮奄臣巷伯寺人則與周奄寺之等皆隸太宰同矣
惟六典周公始作則商太宰亦非最尊之官故宋率以大夫為之亦可
見其非如周太宰孔子所云聽於冢宰謂古之人皆然者乃元老執政

之通稱故鄭氏注儀禮云諸侯以司徒爲宰矣二司徒之屬司徒司馬
司空三官夏爲實職最貴之官商亦當然以宋固具此三官皆卿一人
又凡周之侯國皆有此三卿蓋承用殷制以降於天子而武王伐紂所
云著此三官亦係尙用殷官名故鄭注曲禮於司徒等五官云殷制矣
夏商實職皆以司徒爲首與周異也其大異者草人稻人等農師周之
小官夏則稷爲大官卽名后稷名又甚尊實因唐虞舊號屬官有農正
農師農大夫商周無矣鄉遂之官夏商皆與周同知者甘誓乃召六卿
鄭注周禮軍將皆命卿則三代同矣六軍出於六鄉則三代皆立六鄉
而鄉遂吏名與其制皆同矣宋止四鄉正者蓋因地無千里當殷時必
爲六鄉也宋使司徒令隧正納郊保之民與周制遂人以下隸司徒同
又云二師令四鄉正敬享不屬司徒則與周制異若師氏保氏皆大夫
官均隸司徒者周制也書序周公爲師召公爲保康成謂卽兼此職文
王世子云虞夏商周有師保知四代皆有此官必求聖賢爲之故常以
三公兼而本職則中下大夫周語詳徇農之典旣曰司空四之司徒五
之二官三公官也又曰太保六之太師七之明師保非三公官更以伊
尹亦曰保衡微子所告之父師卽太師知三代此官大略同制周以其

續神傳卷七十五

五

久爲三公兼官而二代三公所兼之重職又首在司徒故以師保隸之
與然則宋左師右師之官非舊制矣三宗伯之屬周語云史帥陽官以
命我司事章注陽官春官按陽日也訓見毛詩傳陽官猶左傳云日官
四時本日行之南北故以陽官爲名此猶周官馮相保章之屬太史也
又云瞽帥音官以省風土音官卽鍾師等官猶周之隸太師也四司馬
之屬司馬異同說已見上宋使司馬命校正出馬工正出車工正於周
屬司空攷魯叔孫爲司馬亦與工正書服知亦周之侯國用殷之官制
與三司用殷官名制固同也五司寇之屬鄭注月令云夏曰大理又曲
禮之五官末曰司寇鄭云殷制是刑官之長殷周同矣六司空之屬說
亦見上周語單襄公引夏令曰營室之中土功其始火之初見期於司
里宋司城卽司空使伯氏司里火所未至徹小屋塗大屋云云魯語文
公欲弛邱敬子之宅對曰先臣惠伯命於司里知司里掌城內外官舍
民居道塗里巷三代皆當屬司空章杜皆云里宰非是又據曲禮注則
司土司寇與司徒等爲五官之長而司土不如周之隸司馬此皆三代
異同可攷者也其文鈞稽三代異同精覈極倫復精儀禮常朗誦其經
文不復按本謂其章句義例脈絡節次最整齊便記誦韓文公獨以爲

難讀不可解其言如此亦可知其爛熟禮經矣顧羣目爲雜學無延之
課徒者貧乏不能自存光緒甲申聞江蘇學政瑞安黃公已建南菁書
院專課經史古文詞乃橐筆渡江身外無長物年已六十餘矣書卷字
出格外而義據特礪黃公賞之爲製被送院院長黃先生浙東經學大
師也謂君該洽羣籍爲諸生冠署爲齋長南方學者始少少知其名自
是客江陰者八年正月出門歲暮乃歸經年不得家書目眇齒衰仰課
卷以求活不能專心撰著然月試之暇繙閱諸儒說經猶必盡其首尾
蓋好學其天性也辛卯之春猶成穀梁詁義一書至秋季以病返不再
至久之始知其卒於家云其在南菁時同學多好詞章以君樸學且衰
老罕就君論學其旣歿之五年慶年乃取其說經之精者而爲之傳使
他日有采焉

續碑傳集卷七十六

江陰繆荃孫纂錄

文學一

彭甘亭墓志銘 號椿

今

天子卽位之元年推恩海內遺佚之士命郡邑舉孝廉方正例視古大科於是太倉以吾友彭君兆蓀應詔而予邑亦以椿繆充其選椿以書諭於君君言盛名難居宜熟思之用再書辭邑使者作書報君而君先一日書來論次其事語及他故不少亂則與計君之喪同日至矣君字湘涵又字甘亭少隨父官山西神禹有聲年十五應順天鄉試諸公卿爭欲招致然竟十餘年無所遇嘉慶丁卯所知者主江南試必欲得君君聞之遂不復應其集中所為貽友人書者也君父甯武君由知縣改官潁州府教授既沒家貧甚君兄先沒議將斥產以償人曰得彭君一言毋問舊事君卒獨破產盡償所負而自鞠幼弟隻身客游以為養諸大吏多資其才傾身內交君未嘗有所私請於義所不可疑如也胡侍郎克家為江蘇布政使時總督以

續碑傳集卷七十六

國用不足議加賦君力贊侍郎白大吏寢其事君每與子言輒推侍郎之賢未嘗以為功曾侍郎煥轉運兩淮尤禮才士君最後乃一至邗上詩文外無他語兩侍郎平居議論頗不相合於君皆無間言君於兩侍郎交稱其長意亦不以為忤也君文章鴻博沈麗力追六朝三唐之作者尤長於詩始務琦瑰晚乃益慕澄澹孤憂深得古人意指中年後務觀儒書復耽翫竺氏籍研究覃奧世之為內學者莫能闕其際也予嘗微諷之曷一軌於正君憤然不以屑意卒之前一日答各書皆有條理夕赴友人飲酒歸而足微痛曰吾殆有疾人定彌甚遂以辛巳正月五日寅時卒年五十四弟兆蕙經理其喪為之主嗚呼君之學務博而屢遷既卒不得用乃始自放於異氏其所為經卷課誦將以馴服心性涵濡道命使加之以年則君脫然自進於古者殆未可量抑亦 附錄古大 朝廷所急欲登用如古畸人貞士克副其實者君真其選矣君所著詩文集十二卷已行於世其先世詳於子所為甯武君墓表妻蔣氏先卒兆蕙將以某年月日葬君於某阡來徵銘銘曰

黃徵君傳 吳有

徵君武進人名乙生字小仲父景仁字仲則負軼才奇氣嘗游大興朱公筠安徽學使幕公以三月三日屬諸名士會於采石之太白樓酒酣賦詩仲則年最少衣白袷衣持酒立日景中頃刻數百言擲筆豪飲諸公皆爲束手樓以下觀者謂千一十年來殆無是會云君年十三孤賴父時故人周卹以成立二十南遊廣東廣中風氣淫靡游客無不挾女妓窮飲博日夜號呶而不屑事事君孤介絕俗以爲怪物既而大興弟文正公爲巡撫惡其習斥言於眾曰數千里大小郡縣數十幕中竟無一人自愛者或以君聞乃大喜叩其世曰吾故也乃益喜以此知名久之歸益刻苦於學治鄭氏禮無節目無所不詳無與突無所不闢講說一篇貫穿諸經如壑趨海又好揚曾之書凡虞詞隱語彼術中所謂祕而不洩者皆發其蒙嘗以語世之號爲知地者知地者不能解也唯吾友董士錫晉卿善之晉卿好精思通虞翻氏易於陰陽五行家言發揮古義錯綜變化歸於自然亦絕學也余交君二十年見君苦心壹志一字不釋於胸至廢寢食而盛暑披絮衣冬則重襲敝裘擁爐尙畏其寒曰君病矣盍少休君曰不然不自止以至於死道光元年

詔舉孝廉方正同縣以君然上君辭不獲將應

續傳卷七十一

召用乃竟不遂年五十三有一子目重瞳子聰穎特異將冠而天遂無

子

吳育曰或悲君之無後或以爲其行子然有以致之余謂昔友莊傳永惲子居其使人之氣暖然如春炎然如夏而亦無後何也士焦身苦思以致其學自治而已在我者我庸克之其不於我者我何庸心焉

趙徵君傳

陳壩

趙徵君坦者仁和人字寬夫有道而文少爲郡小史史胥最忌書以爲不祥君晨趨曹常襲書爲老胥所呵竊就壁默誦已不覺出聲烏烏僚吏愈厭怒欲苦之遁去會閣部阮公視浙學遂以經術受知補諸生入詁經精舍著籍爲弟子而王侍郎昶孫觀察星衍迭主講席舉重君文一時名聲藉出諸名士上遠甚君益自厲研究漢經師言疏通證明之著周易鄭注引義春秋異文箋石經攷續尤好古金石文自鼎鐘盤匱盃敦瓊戟泉幣以逮銘碣瓴甌之屬鉤稽抉具有辨識益以他雜文爲保璧齋文錄及札記各如干卷君學既成恆韜晦不自表暴搢紳之東西行過者爭物色君輒謝不與通阮公撫浙請名士借助聲望致通顯者甚眾君獨無豪釐干之道光改元

詔舉天下孝廉方正鄉先生博士弟子耆老翕然推君君跼蹐三讓不獲由博士而令而守而監司監司吏雅有權力陽賀君因求賂君謝曰坦無狀萬不敢當是徵而長吏實疆之奚賀焉且長吏不許坦讓而固疆之毋乃以坦稍知有羞恥而今以賂進是尙得爲人乎而奈何以辱大科吏墨然無以應已而乃大發怒去立遣役來檄君驗視君曰生無罪而阜隸嗔其門豈上求賢意耶稱病篤吏遂以病免君巡撫帥公突下教曰吾素知趙生文行第一奈何以不匍匐監司庭失賢士卽此足下公惻然憐益賢之乃踵故事奏給六品頂戴逾二年喪母哀毀積衰既除喪而病又逾年卒君爲人醇古樸訥一介不苟取予拱揖坐立必中禮雖奴妾不見其袒踈讀書立課程風寒酷暑迄老弗輟文摹元結柳宗元渾博中有隋致然人請讀其文輒恠恠不肯卽出至半卷益恠恠乞弗竟讀摘其瑕輒受應時改定晚年尤簡澹不常詣人出門兒童婦女見其雅步爭仞之曰趙先生君益疎傷步愈恭所與游皆一時聞人而於里黨後進行誼推黃玠經學推姚若文章推陳庸陳庸曰庸與君嘗推論文史縱譚及時事君每病胥吏實斂飽私橐農氓苦累而官

不問虞有宅墉謾曰君亦不作州縣耳履之當知其艱已而仁和輸稅者積不堪聚白梃撞歐漕倉吏官遣兵發銃擊之而梟首事者頭於街墉曰噉孽矣屬者其吏實甚君正色曰入賦而挾徒以逞盜也盜法當死而或憐之是獎盜也鄉愚方膏膏被戮而君子袒焉將重戮乎墉懣然嗚呼君豈徒長於文學者耶往浙西大旱君移書開化戴司寇請於撫部買米以濟民得不饑君殆實有可以用世者而僅僅以文學著惜哉

周倬雲家傳

姚椿

周爲漢字嶠東亦曰倬雲先世家浙之浦江父能珂官甘肅山丹知縣甘肅邊省少文學無錫楊農部芳燦知靈州奇君詩文亟稱之君由是受學焉游於京師所交益廣詩文日益奇然竟無所遇返甘肅而能珂卒兄心如官粵西獨力任喪事卒以此病君先是嘗援例爲縣主簿非其所好終身未嘗謁選性狷急每面折人過以此不滿於人人亦以此重之君旣葬父於長安塔坡里會心如題補粵西君往省跡行至武昌病甚卒於旅舍年四十歸葬於塔坡里君所著有枕善齋集十六卷於詩尤致力刻峭雄肆幽奧酸澀讀之使人不怡大約出入退之長吉

兼采晚唐諸人之美於文宗農部法唐賢晚而有意著書在長安答其友武威何翰林承先書曰辱書勉以宜著書甚善然茲事不易言也夫文以道立道以學成古之著書者皆以畢生之力赴之六經之書成於暮年其他著述雖未必皆軌大道迹其合者彼其人或求之有年或偏攻一藝而漸與之近隨其淺深各有所見必有萬不得已於言者而後筆之於書其成也皆不以歲月計幸而道成書即成也不幸而道不成書固可以不成也而牽率以成之則固所不可夫如是故當其命筆知言吾道焉而已前不知古人以我爲何等絕無依傍也後不知後人以我爲何等任其毀譽也是以純駁不妨互見而工拙可以並存至其獨到之處則斷斷乎不可磨滅何則道不可廢故書亦不可廢也今之著書者吾惑焉於道茫乎未有聞而亦不求諸道本無可言強而言之高者勦襲餘論排比古事鈔撮附會而成之不則支吾酬應以悅一時之耳目朝夕操觚暮已脫囊索隱好怪污費筆墨其去道愈遠嘗見故家箱篋肆市度閣錦楨牙籤裊然雅麗而或存爲蠹糧或驚爲廢紙啟而視之率皆貴人文集計其當時如此珍重豈不自以爲不朽而無一人知其名無一人求其書者蓋不探其本源而逐其末流爲之易故傳

續碑傳卷七十一

四

之難著書至是豈不痛哉然則不求道之大成而倉卒以言著作夫豈可哉爲漢有鑒乎是今之所急不在著書而在求所以著書者此豈可以立談就耶裁損嗜欲以治其心閱覽文史以進其業如是十年二十年其或有成與凡吾所謂有待者如此成不成聽之於天吾兄以爲何如或有所著書先以示我然君所欲著書竟不成獨其詩文傳於世區論曰子與君遇於京師其後別去不數得書及今乃始得見君與友人書嗚呼其可慨也已君兄以文見屬子特爲表此使後之知者毋徒以文士目君焉

陳子準傳孫原湘

子準諱揆系出前明昌邑合啟元之後邑陳氏著族有六子準爲子游巷陳氏獨以爲善績學見稱里黨祖永復父瑩並諸生君生而羸弱讀書氣不自勝然能默識成誦弱冠補博士弟子員省試對策纒纒數千言以踰格被斥遂絕意進取購訪古籍窮日夕讀之目短視銜下則倩人讀而聽之每得一書手自讐勘丹黃爛然遇前人校本必羅致之嘗論書貴舊本非獨校勘之爲貴也夫古人遠矣今得其所讀之書如接其馨歎而見其手澤展卷以思古人之所學如彼而我何以不能也其

論如此卽其用心可知矣所藏書尤備於地志嘗以酈氏水經注詳於北而略於南著六朝水道疏鉤稽精密惜未之竟幼失怙恃遇前人孝義事尤流連不置嘗輯宋躬孝子傳蕭廣濟孝子傳於趙善括應齋雜著中得邑中孝子三人爲自來志乘所未載狂喜累日而終以未得謝諤孝史爲恨平生不妄交一人往還惟吳卓信張金吾三數輩卓信死爲刻其遺文君自念無用世之志惟文章一道猶得盡志於鄉黨凡邑中著述自宋元迄今搜羅殆徧皮諸破山寺之球虎閣不下百餘種輯琴川志注以每句爲綱蠶眠細書條繫於下搜採贍博較原書倍之其續志稱始於有元然無傳君采元史及桑鄧諸志下逮碑記文集別撰十卷又蒐輯自唐迄元邑中文字及文集之有關吾邑者爲虞邑遺文錄十卷補集五卷又欲盡擷邑中宋元金石作虞陽金石錄未就君之拳拳桑梓可謂盡心矣所居曰稽瑞樓者君嘗於書舶得唐劉賡稽瑞一卷爲向來藏書家未經著錄者因以名其樓君於唐以上諸書儲蓄略備方欲取其傳本較稀而有裨學問者刻爲稽瑞樓叢書草創甫就而君死矣爲文宗法震川不苟作亦不存存者說經之文數篇而已

續傳卷七十六

五

孫原湘曰予之識君也由卓信每爲文輒就商兩君而君少予二十歲每見執禮甚恭獨論文不少假借今人中直諒如君者蓋僅見矣君嘗語予少時專肆力於考據之學考據之得失於身心無與焉文章則吾所自得方思從容含咀以漸至於古人而天遽奪之年不逮中壽可悲也已

劉孟塗先生墓表

方宗誠

君姓劉氏名開字明東一字孟塗世居桐城孔城鎮祖庭灌父應台皆善士君幼英異母吳氏守節教養君念母劬勞矢發憤自樹立時鄉先輩姚惜抱先生碩學高文爲海內宗君年十四上書自通姚先生大奇之擊之學盡授以詩古文法君旣得姚先生爲之師又與當時豪俊交遊於是學日進名日起一世賢士大夫皆願識君矣君爲人豁達不羈與人談論如懸河遊迹所至爭相延重而君顧矜持士節辭昌而氣伸所言皆文學治術或以片詞解其紛或以數千言罄其委折卒未嘗稍溷以私相國蔣公礪堂總制兩粵時君客其幕府省城外下河火蔣公聞報曰吾知其中必無孟塗蓋地故遊士宴樂之所也事母最孝每出遊輒依依母前不忍去行數里猶瞻顧遲迴謂友人曰吾鄉多佳山水

使吾得菽水資奉吾母龍眠浮渡閒手一編日夕諷詠不去吾母左右其樂當何如而顧爲是僕僕哉君詩文天才闊肆光氣煜燿能暢達其心之所欲言姚先生之門攻詩古文者數十人君與吾從兄植之先生上元管異之梅伯言名尤重時人竝稱方劉梅管云乾嘉間治經學者以博綜爲宗好詆毀先儒姚先生力障狂瀾戒學徒不得濡其習君從姚先生久故其治經不敢私逞已見嘗曰今世窮經之弊言宋者流爲空虛譎陋之習言漢者溺於瑣碎紛紜之說二者相反而不克相成是以注釋益廣益離於經攷證雖繁無適於義識者趨之少補縣學生屢試於鄉不售一試京兆亦不售道光四年閏七月十四日卒於亳州志局年四十一妻望江倪氏無子君喪歸自經以殉已

旌表如例側室蔣氏生一子曰繼甫四歲守節撫育以至成人君所著書曰孟塗詩文集四十四卷論語補注三卷大學正旨二卷中庸本義二卷孟子拾遺二卷廣列女傳二十卷君卒後友人姚伯山太守光栗園方伯及君子繼鏗木焉繼葬君於掛車山其貲亦光方伯助道光丙午里後學方宗誠表

記劉孟塗先生軼事方宗誠

續神傳卷七十六

六

咸豐五年春余訪朱魯岑先生於龍眠寓舍友人劉少塗邀余及先生飲談次及諸前輩懿行先生因述少時與姚石甫及少塗尊人孟塗友善一日石甫有失檢孟塗痛責之時方三人相對飲石甫忿而出忽又反坐孟塗又責之石甫又忿而走至中途忽又反孟塗責如初加厲焉是時石甫已成進士著書作文日有名家少氣盛被友責不已不能忍忿然出曰自今請與子絕交矣遂去不顧余謂孟塗曰子不已過乎孟塗曰所貴乎友者爲能責善勸學也今石甫成進士著書作文日有名家少氣盛其行不及檢荷無友以責之異日將肆然民上矣學業不如此曠乎故甯石甫絕我不可阿石甫也且石甫亦必不我絕也言未訖石甫果復反笑而請曰吾思之言良是自今請再責我我終不忍絕子矣復坐飲盡歡而散余聞之太息嗟乎石甫先生之受善孟塗先生之直諒今豈得有此風乎少塗又爲余述其先君遺事先生幼孤無依隨母吳孺人就育於外氏時吳理庵先生授經里中先生貧不能從遊且甚幼日於學舍外竊聽講論理庵先生異之詢知其爲孤兒也召至家授讀以女字之女天又字以次者先生用是得成其所學爲名士理庵名士簫字待揆能文章前輩之憐才如命曲爲成就如此亦可風也

孟塗先生年四十一卒於亳州母老子幼僑居望江其友光方伯栗園自直隸謝病歸一日清晨造先生故廬時先生季父臥未起方伯直入臥室問何人自偁曰光二來蓋方伯未貴時朋輩相呼之偁謂如此先生季父大驚急出見方伯以白金四十請爲先生母壽徒步至先生厝室哭盡哀良久乃去往反人皆不知也後先生母自望江歸方伯同姚石甫廉訪馬元伯水部迎養於家事之如母而依廉訪家尤久廉訪妻方淑人事之如姑而視少塗如諸子然先生之葬也亦方伯之力焉是皆前輩之風誼不可及也余曩爲孟塗先生撰墓表未及知此今因少塗言補記之以風世焉亦以見先生之文章直諒信於友朋故旣沒而人不忘之如此也咸豐七年八月

鱸江張先生傳

錢儀吉

張先生士元字翰宣自號鱸江所居澄源里故吳江地今屬震澤爲震澤人乾隆五十三年舉鄉試七試於禮部無所遇老而需次當爲教諭耳聾不肯就或勸之謝曰

國家設學校使師若弟子相從講學豈漫以廩祿振貧士哉吾自惟不能仕也苟利焉而往不可先生家甚貧行甚高讀書爛溪之濱行坐吟

咀以思以樂不知爨火之不屬也亦時時館於外義不合卽去嘗與其

續編神傳卷之七十六

七

友書曰吾其壽與天與終其天年與抑餓而死與吾妻孥得保聚與終漂泊與皆命也命不可知則聽之可也蓋至死生不足變於己而目前之得失固已輕矣此吾之所自得者雖頻得頻失終愈於無所得也來

京師董文恭公聞其賢而館之董公丁母憂歸

仁宗命公畢葬卽北上而先生頗微諷止其行方是時政府竊弄威柄大臣爲所忌異如董公者不二三數而楚蜀又有軍事久不定爲

太上菴念憂勤董公以是不忍不出而愈心重先生故主於董公家最

久其後秦侍郎瀛聘之修無錫金匱縣志相厚也其於侍郎亦多有規諍又嘗應浙撫阮公之聘主諸暨書院一日飲縣解令謂客曰張先生廉甚曩者我饋之食物耳猶不受先生願而言曰此皆民膏民脂也令起謝先生出笑曰吾不知斯言之何以出也姚文僖公督江南學先生與有舊禁諸子勿應試其耿介恬淡如此好爲古文辭師震川歸氏歲正陳其集於几北面拜之而曰我始讀古人書徒見其浩然無涯自得是集反覆熟讀之得其義法由是博觀史集旁通交會亦不復規規於一家矣有以荆川評選史記爲問者先生曰夫學文者當讀全書且其

本原皆在諸經中不可舍本而言末聞者以爲篤論道光四年卒年七十後八年其同姓友積石履以先生所爲嘉樹山房集贈予乞爲傳予方病困又有殤女之戚讀其文而泊然以適不覺沈憂之忽去於以知先生之能養性而其言始足以感人也

張鱸江墓志銘

姚文田

君諱士元字翰宣號鱸江江蘇震澤人先世自徽州來徙初業農至大父某始習儒亦未能致通顯君以乾隆戊申舉於鄉凡七應禮部試均以雜引非聖之書爲博以摺拾舛濫之語爲新考義多乖安章失次文之矩矱蕩焉無存而君獨好用我法於舉世不好之時則宜其久而不遇也君客董文恭公第最久予公門下士因得交於君君時爲公訓其幼子曰習皆童子業故學問無由以見公直樞禁每日以寅入以申歸賓友輩希得見之亦不能有所助益當公之以軍興奪情也君意竊不善之然是時

高廟以軍務爲殷憂思可計事無如公者故日夜遲公至左右大臣中有與公厚者陰以告之公受

續碑傳卷七十六

八

恩深義不可以不出而君固未知也又公兩典禮部試不肯以私意羅致君君亦未嘗干以私雖終不獲售言者謂於義兩得之嘉慶己卯庚辰聞子方視學江南君來謁予於澄江使廨見須髮皚皚白已頽然成老翁與之言耳鬢不能省必代以筆然後喻延之飯固辭而去君自言調取屆期尙可得一令或學校職吾自循吾耳不敢赴也退而思授徒於鄉里而又不能用吾聽則惟有謝絕人事以終老於荒江寂寞之濱而已予聞之愀然以悲嗚呼世嘗言文人少達而多窮如君者抑又阨窮之甚者矣君以道光四年十二月十六日卒得年七十生平著述有嘉樹山房集二十二卷已刊行乃君嘗手以視予者其未刊尙若干種藏於家娶顧氏子四瀾漣淳涵瀾縣學生及淳皆前卒孫二東才繩武茲歲某月漣東才等將奉君柩葬於某山之原介張生生洲來乞銘予不敢辭銘曰

昔孟郊詩好爲艱苦卒窮而死亦固其所覽君之文和易優柔乃亦困窮於文何尤君之不遇世實遺之世胡能遺天實爲之天實爲之又何言哉

戴靜齋先生傳 劉文淇

先生姓戴氏原名避

宣宗廟諱改名清字靜齋其先世爲休甯人祖父始遷揚州先生天資穎異自出就外傳性耽典籍凡有關實學者勤加采錄異同疑似尤所究心者四書典故考辨十二卷自序云漢人談經最詳典故宋大儒視典故爲粗跡空疏者未必不有所藉口我

朝文教覃敷名儒輩出卽四子書考據者不下數十家流覽之下勤加采錄垂二十載得千有餘條列孔孟年譜及其弟子考於卷首尊古聖也列記載注疏引用沿襲之訛於卷末矜俗儒也餘分十二卷顏之曰四書典故考辨爲朱子諍臣不爲朱子諛臣實事求是前人固言之矣其解論語拜下云臣之見君當拜下者觀禮九聘禮四燕禮十二射禮四公食大夫禮六凡此五禮皆所謂禮也邢疏引燕禮酬賓及覲禮賜車服二事證之未備其解孟子不挾兄弟而友云江氏永云古人以婚姻爲兄弟挾兄弟而友與挾故而問相似余謂爾雅釋親云婦之黨爲婚兄弟婿之黨爲姻兄弟僖二十五年公羊傳注云宋魯之閒名結婚姻爲兄弟此江說所本當從之所論皆確不可易而最精者尤在地理如孔子之去魯至衛去宋至陳孟子之自鄒至梁去齊至滕以及太師

續神傳卷七十六

九

之適齊亞飯三飯四飯之適楚適蔡適秦大王之踰梁居岐晉人之由虞伐虢莫不核其遠近計其險夷凡正路歧路之殊陸行水行之別皆一一書其古地證其今名犁然若聚米畫沙俾閱者瞭如指掌真有功經義之作也又著羣經釋地十卷自序云歷來注經者於地理一門不無疏脫昌黎云土地之書未嘗一得其門戶且謂古之人未有不通此而爲大賢君子方欲退而往學予敢矜言此哉況乎儒者足跡不能徧天下徒抱遺編相爭競一有譌錯村夫豎子皆得指而議之此注地理尤難也然拳拳之心莫能自己爰取向所錄存者細心辨析是者仍之誤者正之缺者補之閒出己意參訂均釋以今日地名成書經詩經周禮禮記各一卷春秋三傳三卷爾雅論語孟子各一卷他經附見顏曰羣經釋地從爾雅舊名亦就闡百詩先生四書釋地推廣之耳其解幽風東山云史記吳起列傳殷紂之國左太行右孟門河北諸山以太行爲大秦漢以來謂山東山西者皆指太行山周師自西而東故曰東山其解明堂位鬼侯云孔疏周本紀作九侯九與鬼聲相近徐廣史記注云鄴縣有鬼侯城案鄴縣故城在今臨漳縣西四十里集說以爲鬼方非也其解襄三十年傳成愆奔平時云杜注周邑按說文時天地五帝

所基址祭地此邑必近周郊祭天處當在洛陽縣境其解哀九年傳吳城邗溝通江淮云杜注於邗江築城穿溝按閩若璩云夫差穿溝疑爲今儀徵舊江口正漢江都境城亦在大江濱其解釋山獨者蜀云按揚州城北有蜀岡蓋取其一山獨壘也全書之考稽精審類此者甚多此外尙有雙柑草堂古今體詩八卷古文二卷駢體文二卷經史管見四卷史記說苑新序正誤各一卷韻辨三卷左氏兵法集證二卷惜多散佚不傳先生弱冠補儀徵縣附學生屢試高等食餼廩以嘉慶癸酉歲貢生在籍候選訓導道光丁亥年卒年六十六子文超文起文越余應童試時先生爲認保余以師禮事之先生願折節下交凡所著書屬余校定偶有諍議先生必改而從之余每聳息付梓願以家貧力不能刻今墓木已拱文超等寶藏其書余故詳述先生著書大指俾後之人有所考見焉

翰林院庶吉士兼武英殿協修孫先生行狀 趙允儀

曾祖岐福

祖承垓

考錦 敕贈文林郎翰林院庶吉士妣孺人陳氏 江蘇人

本生考鎬

穎碑傳卷七十六 誥授朝議大夫山西潞安府知府木生妣恭人陸氏

先生姓孫氏諱原湘字子瀟晚號心青先世自欽遷常熟常熟析爲昭文而先生科第隸昭文以太學諸生中乾隆乙卯

恩科本省鄉試第二名又中嘉慶乙丑科會試第二名改庶吉士入翰林充

武英殿協修官請假旋里戊辰二月還朝道病歸遂不復出先生生而穎異初解四聲卽能詩蓋天授也本生考太守公官奉天治中擢守潞安先生恆侍左右山川名勝悉見題詠其得江山之助自少已然時吳竹橋禮部蔚光爲邑中老學先生自潞安歸投以所爲禮部歎賞作書抵袁簡齋太史枚盛相推挹因日與禮部及諸名士留連觴詠文采風流輝映一邑旣遊歷南北益有名而是時國家承百餘年太平之業海內士大夫優遊暇豫以文章著述爲事南有太史北有法梧門祭酒式善又趙雲菘觀察翼吳穀人祭酒錫麒皆一時壇坫而洪編修亮吉孫觀察星衍張編修問陶以至汪中陸繼輅王曇舒位輩數千人綜聲悅扇蘭芬姓名在藝苑赫赫然先生悉與掎裳聯壘投分締交試白下時

袁太史招至隨園集兩江名流張鏗設讌先生卽席賦詩太史歎爲天才在都下時集法祭酒詩龕祭酒作三君詠謂先生及王曇舒位也先生會試出太傅朱文正公門公以鼎元相期而

殿試顧在二甲先生往謁公迎謂曰吾意子必魁多士乃不然深爲歎詫以故先生注籍京朝不滿一年當世名公卿無不知有先生者先生旣以病家居時得少閒四方譚藝之士至吳門者因過虞山先生與之上下古今議論累日夕不倦惟不喜數數見官府見則以閭閻疾苦相告政令或有未便多爲詩歌以託諷冀其感動而有所遷改集中如擬禽言太守來開倉謠之類無慮數十章可與白傅秦中吟少陵石壕吏諸篇並傳或爲近遊武陵西子湖陽羨張公洞及天平靈巖諸山尤愛銅坑梅花凡數至焉吾邑故山水縣風景清淑多可遊處而先生所居在城東辛峰秀色直落巷中門弟子載酒問字無虛日先生輕衫便服時與出遊或泛小艇湖橋尙湖閒襟韻蕭遠見者不知其爲翰林先達也其爲詩於古人所長皆有之而於太白爲近古文泛濫唐宋諸家而返其約於震川駢體雋潔古秀神似六朝填詞雅好姜堯章作字始學米南宮後仿劉文清公畫梅法王元章綜先生所詣靡不過人而所深

續傳卷七十六

工

造莫如詩嘗述陳公甫之言曰詩論性情論性情當論風韻無風韻則無詩謂爲詩家未發之祕又謂規規於唐宋者類皆剽竊摹擬失己之本來面目而性情亡矣有真性情然後涵泳於經史百家以爲立言根柢古來大家名家何嘗不以學力勝要必從性情中來此殆先生自言所得力而先生實亦能副此言也歷主崑山之玉峰旌德之毓文通州之紫琅本邑之游文各書院諸生競喜得名師邑中執贄從學又數十百人多以科名自見通家子趙允懷年甫冠獻所作詩文先生以爲才作書抵蔣大令因培於山左比之玉筍生其推挹略同吳禮部之於先生先生未嘗言允懷不及知也洎大令歸示其書於允懷時先生已沒乃感歎涕泣其獎拔後進虛懷樂育如此先生生於乾隆二十五年十一月卒於道光九年二月子姓婚嫁具詳家傳著天真閣集四十卷行世先生之卒武進李太史兆洛誌其墓而先生文行宜有狀上諸史館因詮次如右

管異之墓志銘

方東樹

管異之卒後三年其友人桐城方東樹念異之孤貧於世事蹟無可述獨其文章震耀於當時而可以不泯於後世兼以平生游好之密不可

以不銘乃從其孤嗣復求得其遺書因次其世以爲之誌君諱同字異之江甯上元人父文郁祖霈官頴上教諭君以乾隆庚子十月十六日生頴上教諭之署年九歲祖與父相繼沒母鄒太孺人奉其祖母葉太孺人歸里鄒太孺人賢上事姑下教子其所以支持死喪備極苦艱卒成就君爲名士嘉慶初姚姬傳先生主鍾山書院君與梅君伯言最受知其後君苦力孤詣學日以進名日以大四方賢士爭欲識君矣道光五年乙酉新城陳侍郎用光典試江南力拔君得中舉人陳固姬傳先生弟子既得君不敢以世俗門生之禮待君其文字苟有稱必曰文同邑中丞鄧公巡撫安徽延君課其子後六年偕鄧公子入都道卒於宿遷旅次年五十有二始余自推星命不利卯年君與姚君石甫嘗豫爲之作挽詩嗚呼孰知君竟先余而逝也乾嘉中海內學者以廣博宏通相矜放而言古文獨推桐城姚氏自中朝搢紳及於鄉曲後進無異辭君與陳侍郎久親指授最承許與侍郎貴仕於朝名最顯君以窮士在下而與之抗知者以爲實過之鄧中丞暨梅君伯言爲君梓遺集讀者亦足以知之矣所著孟子年譜七經紀聞大學說文中子考戰國地理考詩集皖水詞存俱未刻君娶朱氏子一嗣復女子二適某某嗣復將

續碑傳卷七十六

志

以某年月日葬君於某鄉某原樹爲之銘銘曰君之行孚於人君之學足於己君之文足以示君之名斯已矣

管異之先生傳

方宗誠

君名同字異之姓管氏江甯上元縣人祖霈頴上教諭父文郁早卒母鄒氏守節事姑教子成學嘉慶初桐城姚郎中鼐主講鍾山書院以古文倡天下君從遊久苦力孤詣淹貫羣言好爲深湛之思姚先生少許可獨推重君道光乙酉中江南鄉試舉人主考試者新城陳侍郎用光不敢待以門生之禮君容端氣肅論篤行方遇人和易不露圭角而中自嚴厲有志經世不獲用嘗著擬言風俗書其略曰天下之風俗代有所弊承其敝而善矯之則俗美而世治安承其敝而不善矯之則俗頽而世危且亂我

朝之興承明之敝明之時大臣專權今則閭部督撫率不過奉行詔命明之時言官爭競今則給事御史皆不得大有論列明之時士多講學今則聚徒結社者渺焉無聞明之時士持清議今則一使事科舉而場屋策士之文及時政者皆不錄大抵明之爲俗官橫而士驕國家知其弊而一切矯之是以百數十年天下紛紛亦多事矣顧其難

皆起於田野之姦閭巷之俠而朝廷學校之閒安且靜也然臣以爲明俗敝矣其初意則意主於養士氣畜人材今夫鑿前代者鑿其末流而要必觀其初意是故三代聖王相繼其於前世皆有革有因不力舉而盡變之也力舉而盡變之則於理不得其平而更起他禍何者患常出於所防而弊每生於所矯臣觀朝廷近年大臣無權而率以畏懦臺諫不爭而習爲緘默門戶之禍不作於時而天下遂不言學問清議之持無聞於下而務科第營貨財節義經綸之事漠然無與於其身蓋

國家之於明鑿其末流而矯之過正是以成爲今之風俗也夫臣民之於君非骨肉也其爲情本易渙也風俗正然後倫理明倫理明然後忠義作平居則皆知親其上而不相欺負臨難則皆能死其長而不敢逃避相繫相維是以久而益固永而彌昌也今自公卿至庶民所懷如是幸而承平亦旣軌法營私無所顧戀矣一旦有事其爲禍安可復言滑縣之寇鼠竊狗盜何足以云哉揭竿一呼從者數萬入京邑戰宮庭而內臣至於從賊非狂寇之智足以大致吾人也吾之人漠然不知有倫理稍誘脅之遂相從而唯恐在後焉耳臣聞之天下之安危繫乎風俗而正風俗者必興教化教化之事有實有文用其文則迂而甚難用其

續神傳卷七十六

實則不迂而易移風易俗所行不過一二端而其勢遂可以化天下不爲難也今之風俗其敝不可以枚舉而蔽以一言則曰好諛而嗜利故自公卿至庶民惟利之趨無所不至惟好諛故下之於上階級一分則奔走趨承有諂媚而無忠愛教者以身訓人之謂也化者以身率人之謂也欲人之不嗜利則莫若閉言利之門欲人之不好諛則莫若開諫爭之路今國用不足競言生財夫生財不外乎節用若其他非害政之端卽無益之舉耳近者

皇上憂念庶務菲食惡衣以儉聞天下然臣意以古較今則猶多可省宜講而行之而杜口不言利事有言利者顯罪一二人示海內夫如是則天下皆知上之不好利往者

皇上新卽大位嘗命吏民率得上書矣旣而言無可采遂一切罷去夫言無可采其故有二一曰爵之太輕故奇偉非常之士不至一曰禁忌未除故言多瞻顧依違不敢盡其說今宜損益前令令言官上書士人對策及臣僚之議乎政令者上自

君身下及國制皆直論而所無忌諱愈懇愈直者愈加之榮而阿附逢迎者必加顯戮夫如是則天下皆知上之不好諛夫上不好諛則勁直

敢爲之氣作上不嗜利則潔清自重之風起

天子公卿之表率也公卿者士民之標式也以天子而下化公卿以公卿而下化士庶有志之士固奮激而必興無志之徒亦隨時而易於爲善不出數年而天下之風俗不變者未之有也天下之士囂囂然爭言改法度夫風俗不變則人才不出雖有法度誰與行也此當今之首務也又擬籌積貯書洋貨議皆按切時弊以立言洋貨議者以自中國與西洋交易洋貨日至皆奇巧無用而中國之財安坐而輸於異域其蠹國病民爲害甚深因著議以爲欲謀人國者必先取無用之物以匱其有用之財故表餉交關互市之事古之人常致意焉洋之樂與吾貨其深情殆未可知就令不然而中國之困窮固由於此則安可不爲之深慮也先生卒後數十年果受其敝君旣無所用於世遂以文名家雄深浩達簡嚴精邃曲當乎法度其詩締情隸事勅意造言論者以爲得蘇黃之朗峻所著因寄軒詩文集七經紀聞孟子年譜俱刊行文文中子攷戰國地理攷晚水詞存於家道光十一年先生卒年四十有七子嗣復縣學生能文精算學

論曰乾嘉中海內學者以廣博宏通相矜放而言古文獨推惜抱姚氏

從學知名者數十人君實得其傳焉然讀其風俗積貯二書洋貨一議言之於數十年之前而弊發於數十年之後可謂識時務之俊傑窮老不用徒以文名惜哉

張登封先生家傳

辭壽

先生諱宗泰字登封號筠巖揚州甘泉人曾祖星煥祖以堅皆國學生父鈞先世居城北黃子湖濱至其祖遷郡城先生幼事祖父母得其歡心母王體羸多病侍疾衣不解帶者累月自爲諸生廉隅自飭研究經史寒暑不輟乾隆五十四年由廩膳生選拔貢生明年

朝考二等一名交部以知縣用先生以父齒日高呈請願就教職引

見準改選授泗州天長縣復設教諭履任後訓士以敦品績學爲先公餘惟篤志著述縣志年久未修因纂備修天長縣志藁十卷其修葺疊序籌備樂舞一一皆實力奉行境內遇有水旱偏災奉委查驗務使實惠及民無苛無濫雖鄰封亦皆親歷不假手於胥吏時泗州牧左公輔及巡撫朱文正公知其勤恪欲保奏以知縣升用先生力辭其留心民瘼而不近名也類如是嘉慶辛未奉父諱去官先生已年逾六十喪葬悉依禮法服闋後在籍候選道光紀元有

詔保舉孝廉方正鄉人以先生名實相副公舉申請先生不欲居盛名
力辭不就歲乙酉再選廬州合肥縣教諭在官未二年而職事修舉與
官天長時無異梁鄉有農家女未昏殉夫先生不遠數十里親往致奠
詳請

旌表先是官天長時所撰備修志稿內於節義事實徵舉尤不遺餘力
至今舒巢臨淮之民猶口頌德政不置云年七十八引疾歸里暇時以
誦讀自娛所著書如周官爾雅注疏正誤孟子七篇諸國年表天長縣
志表俱授梓行世其未付刻而卷軸甚鉅者以舊唐書疏正新舊唐書
合鈔爲最次則春秋左氏傳讀本正誤乙部攷日長編新唐書天文志
疏正竹書紀年校補二十二史日食徵唐冬夏兩至攷宋遼金元朔閏
攷俱藏於家又質疑偶存六卷天長縣志稿十卷聞門下士何廣文榛
校刻於壽春學署先生生於乾隆十五年二月三十日卒於道光十二
年閏九月二十二日年八十三妻李氏吳氏子三長榮光廩貢生候選
訓導次閏生廩監生次學金國學生出嗣季弟後孫六人余因先生之
戚林君鴻訪得榮光所爲行述竝公舉孝廉方正事實冊而知先生之
歿也無銘志因爲作傳以其所著述者詳著於篇

續碑傳卷七十六 五

論曰今之教官古師儒職也周禮太宰之職曰師以賢得民儒以道得
民鄭注師諸侯師氏有德以教民者儒諸侯保氏有六藝以教民者
民卽師氏保氏所云國子是也其在鄉學則鄉大夫州長黨正各掌其
教治而祭祀賦役賞罰之政悉隸焉古者能教民乃能牧民也范書載
循吏於儒林之前其人多通經守家法故所至有聲迨後學無專家流
品日雜於是教官不與民社之事閒有不避越俎之謂者其事又未必
審合乎道藝若先生以儒官而勤民爲念而人莫議其侵官者誠有以
感之也先生真古之儒哉

甯國縣訓導沈君墓志銘 王鏐

君諱欽韓字文起號小宛其族望出吳興邊江蘇木瀆鎮至君已六世
曾祖彬妣仲氏祖載熙縣學生妣錢氏考培宗妣馬氏

封贈如例君秉資極敏爲學甚勤嘗暑夕苦蚊置足於囊校書至漏三
下家貧借書於人計日以歸輒寫其要遂淹通經史旁及諸子百家古
今別集彙集類書雜記故君學自詩賦古文詞外尤長於訓詁攷證所
爲制舉文沈博怪瑋常人不能解年逾三十始爲縣學生嘉慶十二年
舉於鄉又屢躋春官道光三年選授安徽甯國縣訓導十年丁母艱次

年十二月二十日卒於家年五十七君以漢書顏氏注淺陋章懷後書
雜集眾手故有粹駁劉氏注司馬八志文頗宏富而少統貫爲兩漢書
疏證七十四卷卷率藁書四十葉葉率八九百言共二百萬餘言又以
左傳杜注多舛爲左傳補注十二卷別爲考異十卷又以裴氏三國志
注專在補其事蹟而典章名物闕焉爲補訓故八卷釋地理八卷又爲
水經注疏證四十卷而古今郡縣之廢置山川之沿革皆具又爲韓昌
黎集補注四十卷王荆公詩補注若干卷文集注若干卷又注范石湖
集若干卷皆深明唐宋兩朝典故實故多能得作者之志凡君所注
先寫於書上下左右幾無閒隙乃錄爲初稿久之增刪復錄爲再稿每
一書成輒三四易稿他若陳祥道禮書王施查三家蘇詩注王昶金石
萃編隨手糾繆積成卷帙凡君著述幾四五百萬言又節錄太平御覽
雲笈七籤法苑珠林爲若干卷較原書十存二三而菁英悉萃焉其幼
學堂詩集十七卷文集八卷皆極華瞻屠君孟昭爲之刊行君好接引
才士而賦性剛褊有劉四罵人之癖世亦以此少之予得交君晚讀君
著述乃大驚服聞君之沒也家無餘財不克葬者十年嘗與寶山毛君
生甫語及之爲慨然而歎曰天下有讀破萬卷著書滿家之士而忍其

續碑傳卷七十六

十六

不歸於土乎會毛君之友上海郁君泰峰好古有義行聞之助以葬資
乃共謀以君著作遺稿歸於郁氏庶幾能刻而傳焉君娶王氏三子長
箕衍不勝喪後君一月卒次瓜衍天衍於是始卜地於木瀆之福壽山
葬以道光二十年二月十六日銘曰

茫茫今古冊籍羣分誰其健者疆識博聞劬書嗜炙惟我沈君研經抉
奧攷史解紛旣華旣實發爲高文穿石務漸治絲戒芴名山事業擔荷
惟勤學豐遇齋天道奚云靈山之麓我銘其墳

趙琴士徵君墓志銘

附錄

國家選舉之法因明代舊制常科外又有博學宏詞科有孝廉方正科
以待異才魁彥士而孝廉方正之名尤美非文行相副不足以當之自
睿皇帝至

今上凡再舉皆於臨御之初用之風示天下當道光元年余藩安徽咨
於眾以琴士趙君首應

詔君固嘗辭府縣辟不就迨余采芻議特檄舉君涇令復親詣敦促始
就道然年已七十不欲北上無錫孫文靖公時爲撫院乃以第一名咨
部給六品冠帶會有

旨允余請修安徽省志遂以纂輯事任君凡在局五年志成同事歎其熟於史事條舉件繫詳贍有體云旋主講池州府之秀山太平府之翠螺兩書院殷勤教誘不稍倦道光十三年七月十二日卒於里距其生乾隆十七年正月初三日春秋八十有二君少好學九歲卽以能文稱伯祖侍御諱青黎公極喜之年二十應童子試以經解冠八邑受知於大興朱笥河先生拔入縣學旋補廩膳生朱先生奇其材手授以許氏說文且言讀注疏日毋過十葉讀說文日毋過十字必精造乃已一時學侶咸推之屢薦棘闈不售遂棄去時藝專力於經史百家及碑版書畫之屬罔不鉤考決擇惟精其所著書有新舊唐書互證二十卷通鑑注商十八卷建元考二卷校補竹書紀年二卷校補王氏詩考二卷金石文鈔八卷續鈔二卷金石跋六卷涇川金石記一卷涇事一卷讀書偶記八卷消暑錄一卷古墨齋筆記六卷古墨齋觀書記八卷古墨齋書畫記一卷琴士詩鈔十卷文鈔六卷又輯其生平師友詩爲蘭言集十二卷文爲同心言一卷輯其族人詩爲趙氏淵源集十卷又彙集涇先輩所著書數十種爲涇川叢書百餘卷皆行於世在志局日又另輯安徽人物志八卷安徽金石錄八卷待刊君性孝友處鄉里恂恂然終

續神傳卷七十六

七

身樸學手一編窮日夜不輟當事重其爲人皆禮敬君曾未一私謁兩署滁州訓導一署廣德州訓導皆不數月而士林慕之依依不能舍其教人先行誼而後文藝其於邑公事有可以持風化蘇民命者未嘗不身爲之倡也以故遠近識與不識咸謂行誼如君洵能不媿所舉云在嘉慶時是舉所得有吾鄉嚴公如燧安徽程先生瑤田嚴公

廷對策略伯仲賈生其後著績漢南爲一時名臣而瑤田篤學爲諸生祭酒雖不出其志行均也若君者其瑤田之偶歟君諱紹祖字繩伯號琴士其先出宋之宗裔曰不吝者由河南來遷世爲涇之東隅人曾祖崇濟祖際飛考良猷皆以文學列名庠序配倪氏有淑德與君同歲生後君一月卒子國楨孫同璋俱縣學生曾孫二鵬飛蛟起元孫三如錐如鏐如鏗君逮事王父下見元孫道光七年以七葉衍祥

欽賜扁額加賞緞疋十一年以修城勞加五品銜其卒也涇人士呈請祀於其鄉將某月日葬某山國楨前卒同璋主後來請銘銘曰

吾聞之三代下習俗莫美於漢京自科舉帖括起而士多遺實而趨名惟我

國家執權持衡既舉大比以鵠羣英復有特科以廣千旌有蟠其叟研

古敦行於涇之原拓書滿楹恆窮年以矻矻惟心耘而目耕炯靈光其上燭感黎火而下視乎星精猗彼何人其通德之鄭氏歟抑傳經之伏

趙琴士徵君傳

朱琦

徵君姓趙氏名紹祖字繩伯琴士其號涇人也趙本邑望族多文學彥君考良猷有聲庠序中早世母翟守節撫君暨君弟繩祖君九歲卽能文伯祖侍御星閣先生極賞之弱冠值督學大興笥河朱公以古學倡導東南得君經解卷博瞻淵茂拔冠八屬并授許氏說文令肄習旣補諸生旋食餼名震一時願屢薦棘闈不售由是屏棄時趨專彈力考訂鉤鉅抽繹務求精要平生澹嗜欲惟日夕手一編不輟竟矻矻終其身性孝友母素善病君偕配倪氏躬侍湯藥勿敢懈或出館晨昏必歸定省如此者凡三十八年弟體羸教養成立同室至老無稍閒待宗黨獎掖後進備盡誠懇久之間望愈孚邑中公事苟可維風化蘇民命輒爲之率遇有工役往往請首任嚴寒溽暑絕不言瘁嘉慶丙辰府縣欲辟孝廉方正力辭而罷逮道光辛巳方伯今制府陶公采輿論特檄舉君縣令親詣敦促始就道尋奏名第一自揣衰齡難北上會修安徽通志

續傳卷七十六

六

留君纂輯志成羣歎爲詳整有體嘗兩署滁州訓導一署廣德州訓導僅數月而士林慕嚮依依不忍別繼主池州之秀山太平之翠螺兩書院君外和內肅持己端故誨迪先行而後文當事禮敬君君不肯通私謁在志局彌謹晚乃以修城董勸勞

晉五品銜道光十有三年秋七月十七日卒年八十二合邑推重呈大吏崇祀鄉賢余與焉咨部以聞

報可僉謂不愧云君之學無弗窺究而尤深於史最著者一曰通鑑注商注爲元胡三省之書與其所著釋文辨誤相輔而行本極賅洽君參研抉發至六百餘條視顧氏炎武日知錄所列及陳景雲之舉正不啻倍蓰一一有成處可覈開或原注未晰爲加疏通不欲輕訾前哲卽通鑑小有抵牾亦推闡其故意在實事求是而已一曰新舊唐書互證於劉昫並歐宋之書無所徧徇然其閒摘新書者十之八九蓋舊書尙具班范之法近世儒者多表其長新書專修文詞又減削字句轉致詰屈其考證頗疏同時吳縝已有糾謬之作但縝因乞預官屬不得挾私憾有意吹索而君固平心以救其失初不存門戶之見於胸中也此二書實裨益正史必傳無疑君又篤好碑版偶見諸市肆不惜重價購歸悉

心檢閱謂可補史傳之遺也成金石文正續鈔共十卷雖仿明都穆金
雜琳瑯之例而皆其所未收審諦亦較勝穆所已收并蒐羅斷缺之本
爲金石跋六卷中如漢太室石闕銘已漫漶而顧亭林錄其殘字崇高
作高高不知說文有崇無嵩崇卽今之嵩字也他所舉類是若唐幽州
昭仁寺碑鄭州等慈寺碑謂太宗馳驚遠略徒以立寺薦福贖殺人之
咎論議正大更非恂猶愁儒所能及及在家既有涇川金石記一卷修志
之暇別撰安徽金石略八卷與人物志八卷稱合璧足徵其無地不學
也經學雖無專書而讀書偶記八卷前三卷胥以說經揆厥旨趣於易
兼取漢京房虞翻與注疏本程子易傳朱子本義折衷以期其當於書
不左祖東晉古文而謂梅鶯及閻百詩惠定宇等竭力拮擊亦各自有
罅漏眞持平之論其餘諸經都能穿穴而喪服尤詳祥禫諸制準之情
理曲折通達堪羽翼鄭注第七卷有論韻學謂用古音當擇其信而可
徵者吳才老之韻補陳第之古音考顧氏之音學五書皆有得有失不
可盡從蓋析其源流不徒作調人以解難又謂古韻今韻皆不必無方
音詩騷用韻有限今以四聲中曾有數字同用而舉其全部以從之非
也此論最允余亦曩所主持卽斯而觀知君之於經決非泛然涉獵者

續神傳卷七十六 九

可比校補古書則王氏詩考二卷厚齋掇拾三家逸文明董師張補之
近范家相補之而君復補之踵事益增不妨分道揚鑣竹書紀年二卷
歷引史記山海經漢書水經注宋書符瑞志史記索隱正義等條理甚
密雜揚陳君逢衡作集證擴充繁衍然時采其說陽湖洪稚存編修見
之服膺爲製序願謂引羅泌路史乃千慮一失不過因其爲宋人之書
而輕之按路史雖不免麗雜而揆据浩博書錄四庫引之第證其異同
未嘗以路史駁竹書豈遂爲病哉此外短簡若涇事一卷紀述遺聞建
元記消暑錄閒中涉筆要亦矜慎不苟於戲君之學可謂闕其中而肆
其外矣君古文宗昌黎以夙熟史事集六卷內論數首識力卓然詩十
卷大抵不屑屑綺麗上沿盛唐之派兼工書畫旁及於弈在他人得一
已擅場而君直視爲餘技至袁善之編非由己撰獨彙鄉先輩著作十
數種積賞刊布曰涇川叢書與本邑鄭漢林涇川文載同功其評隲師
友本族詩及制藝特選家事故不書

舊史氏曰近代譔著之富莫若蕭山毛氏奇齡然毛氏負氣求勝紙繆
百出雖才不如君之醇也且君行誼亦遠過特齋於遇又以樸學處僻
壤未極烜燿余曩直史館與纂儒林文苑傳外省呈卷帙甚繁願罕似

此者君與余同邑非敢阿好諸書具在明者自識之今敘述君事用略疏其梗概蓋欲使後之人修志乘得有所據依而載焉

山東肥城縣知縣丁君家傳

吳奇

丁君諱履恆字若士一字道久晚自號曰東心江蘇武進人君兄弟四人伯兄履泰進士河南葉縣知縣候選同知仲兄履益

實錄館謄錄浙江鳴鶴場鹽大使叔兄胞舉人湖南零陵縣知縣君其季也君生而英異四年能升几作孽窠書贈公奇愛之以為他日必以

文名天下九經三傳過目成誦嘗從伯兄學課業輒倍常兒好學深思無所不貫為人倜儻爽邁表裏如一而內行篤修弱冠喪父三年不與

歡宴讀近思錄悅之躬行實踐造次不苟言笑錢唐盧召弓金壇段若膺滄州李甯圃同縣莊葆琛張皋文暉子居皆其師友文章學術萍厲

磨濯於漢宋諸儒必求有得於心不務立門戶嘗磊落有經世之志益講求農田水利錢法鹽政兵制著為論說以待求取每當友朋聚處斗

酒為樂或相規過失或商論古今輒至痛哭蓋誠發於中而憤形於外非一往感慨不能自己者是時錢唐袁子才方以文詞號召後進讀君

詩賞歎不置得其延譽足以救貧君以為異趣卒不往嘉慶辛酉選拔萃科時年三十二矣明年

朝考不果用放歸友教四方名聞益章縞紵之投無不推誠接納或譏其太邱道廣君曰不然嘉善而矜不能若逆知其不可而拒之則人何由而之善乎久之

睿皇帝巡幸淀津召試行在

欽取二等在文穎館行走期滿授贛榆縣教諭時太宜人春秋高伯子侍養在家仲叔兩子宦遊楚越贛榆濱海風氣不馴不能迎養頗不樂

之官太宜人督促之遂獨身以往君以用世之才置之冷官優閒無事惟教迪士子修治孔子廟堂暇則助縣君整比地方去縣十里有青口

鎮尤瀕於海商舶叢集而奸猾出沒其間為商賈患得君愆思偵緝行旅獲安士子有好事許訟者必召至化導懲創改而後已故終君之任未有以劣斥者既而保升知縣得山東肥城而年已五十有八矣到官之日日坐堂皇案無留牘舉漢章詔書安靜之吏惴惴無華日計不足月計有餘之言以銘座右不事鞭朴使民知畏然山東向多盜賊乃修行保甲按時稽覈又擿法律之顯然易犯者數十條分揭城廂鄉鎮使

人續傳卷七十六

字

民習讀知儆勿敢相犯民是以靖盜是以戢葺普濟堂收卹孤獨存問
耆老年八十九十以上遣之米肉冬製木棉衣袴以惠貧者表揚貞孝
節烈存則寵之聯額故則勒石冢墓征徭有妨民力者量爲減免興修
書院鼓舞文教凡事極力舉行皆有條理治肥三年年穀順成駸駸向
治惜乎太宜人以天年終而君亦以勞勩得疾矣遂歸越三年竟卒年
六十三所著有春秋公羊例左氏通義毛詩名物志說文諧聲類篇思
賢閣文稿宛芳樓雜著思賢閣詩稿倚聲寫韻齋詞稿望雲聽雨山房
札記愛日堂自治官書稿各若干卷子二嘉蔭嘉葆皆順天舉人官學
教習初君以詞翰得名詩文字畫流播四方故不知者皆以文士目君
未有洞見其表裏者惟蕭山湯侍郎敦甫稱之百里不足以屈士元況
廣文耶亟言於總督以舉之

吳育曰余之得交君與李君鹿籽也因山陰岑鏡西錢唐翁蓮叔鏡西
老於幕府蓮叔以孝廉方正舉鹿籽縣學生篤實溫厚君子也今三人
者皆已死而君又死余亦且年五十餘其能無感乎君嘗好宋韓范富
三大臣集語余之三公者非獨功在天壤觀其書尤不可及蓋深有意
其爲人也嗚呼使君而用之以方剛之氣其設施或有可觀乃不果用
及莫年精已銷亡之後而用之尙何益哉尙何益哉

吳翁碑傳卷七十六

三

山東肥城縣知縣丁君墓碑

包世臣

君諱履恆字道久別字若士姓丁氏其先世集賢校理寶臣者當宋景
祐中由醴陵遷晉陵子孫家焉晉陵今江蘇之武進遂爲縣人曾祖復
來縣學生妣吳氏祖廷讓以進士累官江西按察使妣沈氏父汝驊國
子監生妣瞿氏

封贈如例文林君四子皆通籍君爲其季弱冠補縣學生員嘉慶辛酉
選拔貢太學

朝考不得於有司恭應戊辰淀津

召試入二等

賜大緞二匹充

文穎館膳錄官戴事敘銓贛榆縣學教諭俸滿保薦道光丁亥選授山
東肥城縣知縣庚寅以病足自免未行而太孺人訃至驚悼拊髀病益
亟回籍後偃鬱昏迷至壬辰五月廿五日卒於聖室年六十有三配同
邑莊氏子二長嘉蔭嘉慶己卯順天舉人充覺羅官學教習次嘉葆道
光壬午順天舉人充

咸安宮教習女子子二長適同邑庠生吳夢徵次適同邑龔紹聲孫三
壽承壽濤壽溥皆幼壽濤君以爲猶子嘉琛後君生性磊落慨慷而所
學又足助其識堅其氣漢唐兩宋儒先之書無不旁搜切究者然篋積
武斷之說性天思誣之論蓋未嘗一關其口居平與昆季友朋相砥礪
唯於日用尋常語默作止之間質求真實每酒酣耳熱極論立身成敗
民生利病常痛哭噓唏不能自已讀書史至古先哲人措拄艱虞遂以
轉移禍福及鳩集流亡起溝壑而措之衽席者必反覆深求其故或撫
卷瞑目至終日不出語蓋君之中懷蘊蓄非苟爲誇耀淹洽矜詡章句
爲俗儒所爲者也庚辰秋君年已五十有一贛榆返里中途中惡風病
蹇澀者數月意氣自茲日就銷滅矣又七八年乃知肥城君學深於詩
常守毛公烹魚煩則碎治民煩則擾之訓然其居縣也聽受無留事又
時時存問者舊詢疾苦率紳富修社倉以備災歎舉保甲以戢奸宄立
普濟堂以卹斃獨民安其政年穀順成是以去任之日老幼扶攜餞送
數十里或至涕泣歎仁明爲近今所罕聞見而君顧歎然以爲不稱負
所職悲夫嘗謂天賦人以聰明材力今與古率不相遠而輒近成材獨
少者大都爲俗學所汨沒幸而有意思深長欲嶄然以頭角自見則師
友勸誠必相與翦除之斥爲客氣不可用又幸而有小小不汨沒於俗
學其遊處四方復不爲俗論搖奪以庶幾有成者則常患與斯世柄鑿
必不相入而窮困老死不見用若有用之者無論大小固皆有所表見
以利澤斯人乃又置盛壯可任事之精力於閒散無所設施之地及其
旣衰將不能自舉乃以試之事幼學之卒不見行而勞民不可休息彼
蒼蒼者其意豈可測哉君著有春秋公羊例左氏通義毛詩名物志說
文諧聲類篇思賢閣詩文稿倚聲寫韻齋詞稿燕齊遊草熊湘遊草瀝
寄贖草宛芳雜著望雲聽雨山房札記各若干卷皆可觀采而非君意
之所屬也余與君交三十餘年能知君之志故於其葬而銘之曰

志盛氣衰治不副意未曜之德以昌其類

李次白傳

徐士芬

君諱貽德字天彝次白其號也先世由江陰徙居嘉興梅會里會祖某
官廣西布政司參政祖某父某皆國子生君二歲而孤三歲外祖陸公
某口授以詩至輾轉反側句輒以手狀之七歲賦柳絮詩族人進士某
一見目爲奇童延之家塾爲剖析經義數十條每覆解未嘗失一字十
歲習舉子業一藝出輒冠其曹年十八爲縣學生試高等食餼嘗因家

負遊慈谿習法家言尋以母病歸後館硤川蔣氏蔣藏書富盡發其篋
讀之學益進繼又館金陵王氏時陽湖孫廉使星衍亦僑寓金陵君投
以詩百韻亟延入與上下古今窮晝夜不息孫公晚年所著書君爲卒
其業居多嘉慶戊寅舉於鄉對策爲浙士冠得進呈嗣是六上春官屢
薦不售都下無不知君學行爭延致之壬辰會試報罷遣疾歿於京師
年五十君生性孝友篤於內行本生母鄭孺人性嚴時怒責輒跪受無
少忤兄鳳聲有廢疾終身敬事之撫兩從子如已出家徒四壁立而歲
所入輒以贍宗御之貧無依者配吳孺人工吟詠姑卒泣血成廢疾不
起君時甫逾冠誓不再娶素耿介人不能干以私房師桐城李公居停
婺源王公先後攝本郡守裏足不一及其門與人交肝膽披露不少隱
有不可輒面斥之然不設崖岸讀書一覽成誦終身不忘嘗徵事云出
某書第幾卷第幾葉入覆視之不少爽尤具經濟略於天下山川扼塞
士馬芻糧以逮治河興屯諸利弊羅列若指諸掌少工韻語亦閒爲倚
聲著有攬青閣詩鈔夢春廬詞存若干卷又與馮太史登府周茂才某
張孝廉昌衢以經術相切劘著有詩攷異詩經名物攷若干卷其在金
陵時孫廉使輯漢魏人之說經者爲十三經佚注一書令同志分任之

鳳神傳卷七十六

君著有周禮贖義左傳集解若干卷於史學則自漢以迄五代復縷析
條貫實事求是著有攷證若干卷視錢宮詹攷異一書加詳焉又訂正
鄧名世姓氏辨證增補錢諷回溪史韻惜未成書而卒子文賁以行狀
請爲傳因刪剟其凡如此

贊曰余與次白同舉鄉試又皆出桐城李公房里居接壤一見如故遂
同借計車北上在都閒二三日必相過氣誼之親侔手足焉君豐頤便
腹不事修飾吐屬諧雋見者如飲醇醪亦莫測其涯涘座師高郵王公
深器之每論學術必語及君禮聞見浙人二三場淵博深厚者輒疑爲
君卷亟入選蓋欲昌其學也使其得展所負豈止著書數尺已哉不幸
齋志以歿今文賁克世其學屬其哀集著述以備徵采云

吳耶谿墓志銘

吳德旋

唐李元賓獨孤申叔宋王逢原皆以高才盛志蚤世殞命然託於韓退
之柳子厚王介甫之文遂藉以不朽後之人未嘗不追思而慕道之今
於吾耶谿之亡乃不禁流涕太息深悲而重有感也耶谿幼時質甚魯
年十一性忽開悟讀書過目輒成誦下筆有老成之風年十八補縣學
生道光癸未耶谿年二十四從余問古文法予以所受於師友之說告

之蓋疑信半也已而深信不疑數年之間所爲文出于遠甚然耶谿信子甚篤其論余文每不自覺爲言之過也耶谿年三十而挾所業文入京師諸公貴人頗有能知其文而爲之延譽者然一應順天鄉試不售未幾得疾卒京師旅館中年僅三十三耳予謂極耶谿之才與其所志必能遠追漢唐作者於數千載之上以自成一家人之言而不意其竟止於是也然今卽其所就而論之以視李元賓王逢原諸人有過之無不及矣嗚呼以如是之才如是之志而竟止於是甚可惜哉甚可惜哉耶谿姓吳氏諱鉅陽湖縣人大父琦江西鄱陽縣知縣父應庚國子監生娶某氏無子耶谿之喪以某年月日歸自京師將以某年月日葬某所其友人王國棟先期以書來速銘嗚呼吾忍銘吾耶谿也夫雖然耶谿之葬非吾孰宜爲銘者銘曰

已矣乎與之以才而靳厥年乎斯則然矣而孰能厄其千百世之傳乎已乎已乎知予悲者後將有其人乎

吳耶谿墓表

謝應芝

吳耶谿歿於京師以喪歸家之人發篋出其生平所爲之文友人王守靜爲寫古文稿若干卷而劉廉方寫所論論文之書三卷以視余曰古文之法盡於是矣嗚呼自唐韓退之振東漢以降之弊而得有宋諸賢明

續神傳卷七十六

古

歸熙甫破唐宋八家之藩而

本朝數君子興如立表以當日如呼聲於空谷其應歷歷不爽也然宋歐陽蘇爲兩派而王介甫峙其間

本朝姚焯派分亦必有人焉起而參之此余不能無慨於耶谿也已耶谿名鉅陽湖人曾祖偉業祖琦江西鄱陽縣知縣父應庚國子監生娶程氏始耶谿讀書不慧及年十二三操紙筆爲文章驟驚其長者將冠補邑諸生爲古文詞從學於宜興吳仲倫先生吾鄉三數嗜古之徒皆師法仲倫而耶谿爲第一入室弟子耶谿爲人墳首髮壓於眉口吃語無音響壯歲忽走京師應順天試日爲制舉文一首效當時得高第者所爲旣絕肖之迄試報罷嗒焉若喪踰歲臥病武陽會館中一日大呼墜牀下有聲同邸驚怪奔視則死矣嗚呼耶谿爲澹泊澆悶之學祇益窮困一發憤求功名旅死願如其慘猶幸常所爲古文不至散佚其可慰也耶谿卒於道光十二年三十四耶谿歿而廉方始師仲倫又有程子香者亦師仲倫前卒守靜嗜學仲倫之文與三人交善十餘年來三人後先彫謝而仲倫亦下世守靜落寞無所嚮能無仰瞻前哲俯

視來學惻然有慨於中平乃屬余表其墓系以銘曰
昔在昌黎羽翼六經習之子厚具厥典型廬陵南豐規矩準繩眉山半
山曰纘曰承粵若震川曠代奮興望溪有作碩大聲宏海峰惜抱緒衍
桐城吾鄉寥寥荆川首起茗柯大雲固拓基址余跂穹之二三君子君
著文翼覩厥宗旨初月本師源流一水曰既知之曷勿能之而今已矣
然又何求亦云千紀余銘無夸石泐彌恃

續碑傳集卷七十六

續碑傳集卷七十六

三

文學二

貴溪縣知縣陸君墓志銘 李兆洛

陸出古陸終氏漢晉閒為吳中望唐宰相宣公至君凡三十二世明初有昭毅將軍都督同知世襲錦衣衛指揮使諱福者自淮安徙居常州君之十四世祖也曾祖廷焯祖載起並諸生

贈順昌縣知縣父廣霖乾隆己未進士官廣西恭城縣知縣署思恩府百色同知嫡母高繼母莊生母林君諱繼略字祁孫一字修平恭城之暮子也九歲而孤林太宜人實能長而成之君僕幹秀削讀書夙成文彩四照音聲清如唳鶴吐辭雋婉常傾座人當代先達有人倫鑿者爭羅而禮焉不肯輕涉世事惟肆力於詩清温多風如其人也嘉慶庚申中江南鄉榜入試禮部仍黜丁丑大挑二等選合肥縣學訓導君少羸善病憚鞅掌而為校官得士譽上游薦以才任治劇又修省志董成事以勞議敘授江西貴溪縣知縣到官三年治政清肅因疾乞休既得請旅省城行有日矣而竟不起予年二十始識君於君之第一時里中少

續碑傳卷七十七

雋士皆集困而定交子每至郡必詣君同人皆集君所予之友皆君友也君綢繆婉孌篤切劇之誼每朋尊促坐清酒百壺歡笑閒作已或觸所聞見微辭致規因極論得失欲剜心相示涕泗橫流不知者以為酒狂也自子服官淮甸遂不復見比君赴合肥子適旋里得一再見而情緒非復昔時矣君盡室之官空其屋以賃某姓某不戒於火盡燔所居追憶昔所遊宴處如在目前念君歸來當何如措懷而竟與人俱渺也復可以致思乎哉君性至孝痛祿養不逮為林太宜人請封典撰錄年譜求諸同人能文詞者為序讚銘誄等若干篇都為一集以傳於後曰貞珉錄嘗致予書欲有所為子不能繼諸人後遲遲未成也今君亡矣愧負何可釋著之君誌成君志焉著崇百藥齋詩文集并札記五十餘卷學者多愛誦生乾隆三十七年壬辰十一月二十六日卒道光十四年甲午六月二十三日配錢宜人生子耀連蚤卒女三壻憚彙昌洪毅曾揚方訓皆友之子皆文而才筮室王生子二曰光迨曰嘉遂光迨五齡嘉遂二齡耳方耀連之不祿也君以兄子耀適之子聰應為嗣孫曾孫佑杞佑勤君歿耀適為塋葬於陽湖豐西鄉橫塘之阡道光十五年乙未十月二十五日也耀適齒稍長於君恩則父子而相親若兄弟其

趣操亦略同庶幾廣受籍咸之亞方刻君遺書而傳之銘曰
行何炯炯世何恩恩通而非通窮而非窮君文則工

黃潛夫家傳

字兆洛

黃潛夫名汝成字庸玉太倉嘉定人其先居今寶山江東鎮忠節公族裔也後遷嘉定者四世潛德弗耀曾祖曰國楷嘗割股以療其親疾祖曰通理考曰鐘皆恢然長者鐘無子以母弟鉉之子爲後卽潛夫也鉉字子仁亦縣學附生議敘主簿銜有文行潛夫器局瓌偉而才識敏達善讀書自年十四五時已博涉能文逾冠爲縣學廩膳生益有名嘉定氣節文學自南宋來亮碩鴻輿重於海內潛夫少承家業習聞鄉先生端緒綜貫浩博達於精邃又善爲文章論議閎整敘事繁簡廉肉率中體要學不泥章句而務合體用自古昔禮樂德刑以及賦稅田畝職官選舉錢幣權量水利河渠漕運鹽鐵諸事參校理勢損益遷燼而折衷於顧氏日知錄條比義類及所以施設者居閒復以聲音訓詁名物度數之學纂述爲春秋外傳疏補諸經正義名實益高尤爲今宮保兩江總督安化陶公今江西巡撫江夏陳公所知重乃殫竭心力以體過肥瘠疾作弗治殞年止三十九悲夫黃氏世有穆行其祖考好施與凡邑

續神傳卷七十一

二

稔輒先出巨資佐振潛夫性益豪達輕財喜蓄古書畫碑刻鼎彝錢鑑而族姻交友鄉里婚喪急難凡求者無弗應幾耗其資之半余頗以不節過之然自少至壯衣服飲食無改於舊又猝以千金周人困終無悔心與德色比歿郡邑識與不識都悼惜而來哭者輒慟抑亦賢已始余聞潛夫名而材之而余友寶山毛君生甫數歎美其學行生甫不妄譽者後潛夫嘗詣余於暨陽書院留信宿聽其論識明瑋達理道益信生甫爲知人而決潛夫學可深造大成雖頗憂其弗壽而不虞其遽止斯也嗚呼人世利祿貴顯不過數十寒暑人之死生其閒者何限自古鴻材碩儒閒亦弗克永年奚足致憾矧潛夫有可自傳述於後世耶余獨惜其志業未竟子仁以年老遽喪賢子且辱厚余而僅一見已也潛夫前已入粟議敘通判銜後入賞爲縣學官選安徽泗州直隸州訓導以憂未赴所著書惟成日知錄集釋三十二卷刊誤二卷袖海樓文稿若干首子三宗魯宗文宗英余旣重其人又哀其志生甫書來乞爲傳乃次序行事使附於家乘後云

黃潛夫傳

其本

潛夫姓黃氏名汝成字庸玉潛夫其號余外祖母爲潛夫祖姑故亦爲

表兄弟年亞余十餘歲性情意嚮相視莫逆往來尤密潛夫家故饒祖若父咸以醇德爲善於鄉邑中有義舉輒勸議施舍潛夫秉承家訓能關人之急至不憚稱貸爲之幾耗其產之半余嘗以聖人有父兄在之義規之弗恤也少溺苦於學又留心經濟於田賦職官選舉河漕鹽筴錢幣有關治亂得失之故一一攷證源流務得真是崑山顧亭林先生日知錄一書服膺最深綜顧氏同時暨後賢著撰廣爲搜擇融貫條繫成集釋三十二卷刊誤四卷又通厯算之學爲休甯戴氏歲實考同邑錢氏朔實考校補各一卷袖海樓文集六卷左氏國語自韋昭注後有宋庠校本無作疏者欲仿諸經正義條其微文奧旨附於三傳之後草創甫定迄未卒業嗟夫以潛夫之學之才使天假之年必焯然有所表見於時而僅止於是可慨也夫始議敘通判銜後以入貲由廩貢生得安徽泗州訓導未之任道光十七年二月十二日卒於家年三十有九

子宗魯宗文宗英

黃潛夫墓志銘

毛嶺生

余友潛夫名汝成字庸玉世爲嘉定人黃忠節公族裔也其暴疾亡余哭視其殮又爲文以祭後又序傳其遺書潛夫爲人仁厚豪達狀貌環

錢傳卷七十七

三

偉善辯說戲譁樂任人艱鉅無親疏厚薄苟當其意告以緩急卒累出千金不悔而內行則極誠謹無過差平居衣服率節儉其爲學自天文輿地厯律訓詁以及水利河渠漕運賦稅鹽鐵錢幣莫不洞其奧蹟參諸世會詳其所以利病得失而爲文則又明博簡慎知要嗚呼學問人材之衰其賢者務殫窮於名物度數弗尚氣節至於設施張弛激昂奮發以求利濟卒惟綜覈補苴而已其明道術之原知變通壹出闕廓動合體用者鮮矣余窮於世頗以冀望潛夫或顯達有所建白爲不負學識迺久困伏遽喪悲夫始余與潛夫尊親子仁善少時數往來其家潛夫時年十三四熟習文史已博辯古昔賢奸治亂後更潛闢深造余遠游歸輒累月留其家益相從講說德業圃或賦詩飲酒登陟笑語爲樂余性隘文行豈無可議嘗面折其短潛夫則自少至壯羣居獨處無片言不足余者聞余言善則幡然從意不合則必積日逾時論定乃止視余困亨如己憂憤悅豫無弗同又數濟余急而誠敬率有餘於財其家世居西谿上谿旁頗饒竹木欲買田築室佚余老雖弗果意誼篤矣昔惠子死莊子曰自夫子之亡也吾無以爲質矣余自潛夫歿居恆偃偃出入語默若失其宗形然後知莊子之言爲悲夫莊子達於死生存亡

覓然於萬物之表而其言之悲猶若此矧惠子之賢未必過莊子而潛夫學行論著則實有助余者也潛夫著書成者日知錄集釋刊誤古今歲朔實校補文錄凡四十四卷未成者春秋外傳正義若干卷少爲縣學廩膳生歲饑勸分議敘得通判銜後入貲爲縣學官選安徽泗州直隸州訓導以憂未赴娶秦氏生子三宗魯宗文宗英女三長字張修事潛夫歿於道光十七年二月十二日春秋三十九以二十年三月二十二日葬於寒號十二圖李圩初潛夫世父損之先生無子以潛夫爲後先生少與先府君同受業於錢少詹事將歿屬余志其窆余故弟畜潛夫而往爲之銘又潛夫亡時武進李先生兆洛已爲之傳世系皆具略次其生平趣舍遊從長言志余慟焉詞曰

垓埏爲隘兮附嘍是從博學無命兮潛仁以凶義爲其質兮德爲華奚不逮兮隕厥躬數逢其齋兮匪其窮安其藏兮歲窳而隆

吳嵩梁傳

江西通志

吳嵩梁字蘭雪東鄉人年十五卽以文字爲金谿楊護所知結忘年交未冠赴金陵應

南巡召試歸受詩法於鉛山蔣士銓得杜陵宗派出游吳越間詩名籍

徵神傳卷七十七

起嘉慶庚申舉鄉試官內閣中書名振都下青浦王昶北平翁方綱無錫秦瀛蒙古法式善錢塘吳錫麒並相推重篇什流播及於海外朝鮮侍郎申緯推爲詩佛吏部判書金魯敬父子鑲梅花爲龕奉其像並嘗置所爲詩卷嘗於仲春日集其國勝流置酒高會遙爲嵩梁祝壽好事者繪圖張之琉球陪臣向邦正奏請入監肄業亦出嵩梁門下學成歸國奉使來朝者皆以得其詩句爲榮會

玉牒館議敘嵩梁出知貴州黔西州兩充鄉試同考官崑榕工文精篆隸女弟素雲善繪事崑榕子冕炆亦能詩一門皆以文字翰墨著稱

荆溪周君保緒傳

魏源

君諱濟字保緒一字介存荆溪人荆溪周氏皆晉孝侯周處之裔也君自祖父以上無達者及君生而敏悟絕人嘉慶十年舉於鄉明年成進士廷對縱言天下事字數逾格以三甲歸班銓選知縣改就淮安府學教授歲餘淮安府知府王穀丁祭至學宮禮畢將就殿門外升輿君力拒之穀不懌去君卽日移病去是秋淮安府山陽縣知縣王伸漢冒振事發王穀大辟所屬吏及委員皆註誤惟君先幾得免君少與同郡李君兆洛張君琦涇縣包君世臣以經世學相切劘兼習兵家言習擊刺

騎射至是益交江淮豪士互較其長盡通其術并詳訓練營陣之制時海賊蔡牽出沒江浙寶山知縣田鈞延君往商海防因答寶山數載蔡酉春田君丁母憂而河南山東教匪叛田君鉅野人以母喪在家未葬鄰曹縣賊境身牽官累弗克歸日夜憂泣君慨然請代行約四川武舉任子田同往七晝夜馳二千里至鉅野知田君家無恙乃往來曹濟間行視郡邑戰守之術途遇曹州賊數百人突至君與任子田下車各持一鎗仆其前二人創其黨數十人眾悉遁去山東鹽運使劉清勦賊有名與君語甚契欲留君幕下君以事平謝歸作山東新樂府數十章以代詩史回至吳門則田君尙虧官帑四千餘兩檄追甚急君乃請以己廬十餘間及田五十畝稟官代抵事始釋嘗過京口丹徒令屠君倬患居民訟洲田莫得其實久不決君曰明日可具鞍馬夫役爲君行視之晨起至洲先丈量一處計其步數乃令役前行凡若干步卽止馬至止所又令一役前行自晨至日晡縱橫環遶皆如之凡八十餘里還至署令束取所記用開方法各乘除之謂屠君曰此特以測遠法用之方田耳諸幕友如言覆核之盡得其實遂申報定案其學有實用如是自山左歸寓揚州兩江總督大學士孫公聞其名過揚州邀見舟中縱談兵

續碑傳卷七十一

五

事曰君將才也承平無所試可姑試諸兩淮私梟乎君笑曰諾孫公令淮北各營伍及州縣聽君號令時淮北梟徒千百爲羣器械精銳君則招諸豪士數十輩兼募巡卒教以擊刺月餘皆可用偵擊其大隊於安東屢敗禽之淮北斂迹然君遂謝事曰曠務不治其本而徒緝私私不可勝緝也淮南諸商爭延重君遂措貲數萬金託君辦嵯淮北君則以其貲購妖姬養豪客劍士過酒樓酣歌恆舞裙屐雜沓聞填小樂府倚聲度曲悲歌慷慨醉持丈八矛揮霍如飛滿堂風雨醒則磨墨數斗狂草淋漓或放筆爲數丈山水雲垂海立見者毛髮豎人皆莫測君何許人嘗言願得十萬金當置義倉義學贍諸族姻並置書數萬卷招東南士友之不得志者分治經史各盡所長不令旅食干謁廢學所志皆恢闊難就一日翻然悔曰吾數年一念所誤乃至此盡散其貲謝其黨因自號止安作五言詩自訟認其兵農雜進負初心遂去揚州寓金陵之春水園時道光八年也年四十七盡屏豪蕩技藝復理故業先成說文字系四卷韻原四卷輯平日古今體詩二卷詞二卷雜文二卷最後乃成晉略十冊則以寓平生經世之學借史事發揮之遐識渺慮非徒考訂筆力過人深坐斗室前此豪士過門概謝不見前後如二人然食貧

日甚遂復就淮安府學教授適漕運總督周公天爵駐節淮安亦好講武相得懽甚及擢兩湖總督強同往許爲盡刊所著書遂以七月三日卒武昌年五十有九周制府使人歸其喪葬於荆溪君無子嗣其兄弟子二人皆不能讀書晚年妾蘇氏有遺腹子云

魏源曰子晚晤君金陵淮安冲夷如也無復少壯時態然以君所稟受苟見諸用庶幾周孝侯盧忠烈之風即使中年專力學問不耗於詭奇所就亦不當止是君歿次年海氛訖熾

朝廷詔求奇才之士欲如君者海內不可復得天之生材不易生之而得盡其用又十一二亦獨何哉

書周進士濟

發士芬

余門人袁生翼佐余校士嶺南嘗述其師周進士事甚奇進士名濟江南宜興人年十八領甲子鄉薦次年聯捷以知縣用父兄以其性卜急懼僨事爲請改教職銓淮安教授促之到官然非其志也郡守王轂簞盥不飭濟揭諸大府獄不得直罷職歸主講婁東書院其教士善誘不倦士樂就之然非其志也時淮楚閒鹽梟橫甚有司治之無策濟詣制府孫相國獻計從其言畀以偵緝之任濟素善拳勇工擊刺梟不敢近

續碑傳卷七十一

六

往往棄鹽而逃以所獲鹽隨地鬻之前後集金無算會所親守襄陽請以所積金召募農人開墾襄陽曠土若干頃守不聽而前所逃諸梟結聚楚北伺其出將殺之乃閒道歸治宅廣陵甚壯麗珍物美人皆具居無何棄之去蓋亦非其志也尋又主講山左曹州與總戎飲於郡署總戎素以驍勇稱酒酣語多自負濟曰公勇甚盍試之總戎正技癢鼓氣作勢奮擊濟濟一揮應手而仆負傷憊甚慚且志踉蹌而歸郡守惡其失師儒體辭之復歸維揚日以醇酒婦人自廢噫此豈其志歟袁生述其軀體偉岸手大如箕不類書生者嗚呼可以想濟之志矣

周止庵先生傳

沈銘石

先生姓周氏名濟字保緒號未齋晚號止庵荆溪之畫溪里人父仁多學有孝行夢顛僧驅虎入室而生先生故以濟名幼奇慧九歲能屬文稍長卓犖自命好讀史尤好觀古將帥兵略暇則兼習騎射擊刺藝絕精隱然負用世志年二十四魁鄉書明年成進士以對策言直置丙科出爲淮安教授慨然曰此天將以玉成吾才也益發憤求有用之學爲深博無涯浹於經史外凡韜鈴營陣圖法罔不指次鑿鑿無何引疾去歷之齊魯晉楚遇山川形勝關隘阻阨處必窮究其要領不徒作汗漫

游而更隱求當世豪傑士以相切劘於是交游之中稍稍知先生有偉
略矣鉅野田君仲衡鈞以才武交者也仲衡令寶山有母喪值豫匪梗
道不得返泣爲先生言先生惻然曰友母如吾母吾請代子行仲衡爲
具徒從先生曰道遠人眾滋累耳無庸單騎遂往道出曹州猝遇賊黨
數百先生鎗仆其前隊二人被創者又十餘人賊驚遁卒至鉅野視田
太君喪無恙而返并察近縣諸利害得間爲當事言之於是方面重臣
亦有知先生非文弱士者濟南寄圃孫公持節兩江以淮南北鹽梟充
斥聘先生任緝私事令所在營弁得聽指揮先生以兵法部勒禽擊防
撫畢當一日與梟眾相持梟自後將發巨礮先生怒馬抽矢射之中其
巨指礮不得發乘勢擊之獲百十人會有尼於制府者事寢不行先生
遂去而知兵之名益震大江南北間後僑寓白門春水園與契友涇邑
包孝廉慎伯世臣砥礪實學互相警發也包深悉水利先生洞曉兵機
當是時數吳中士有碑世用者必首及兩人而先生一腔蘊蓄磅礴無
寄乃賅括蒼萃著爲晉略一書體例精深識議英特其諸論贊中於攻
取防守地勢必反覆曲折確有指歸俾覽者得所依據自言此書爲一
生精力所聚實亦一生志略所寓也不得施諸世因以託之言豈徒與

續碑傳卷七十七

七

王隱臧榮緒輩較其得失短長已哉晚復秉鐸淮安磨礪英氣更雋雋
爲篤行儒教育之餘采地之孝貞節烈者盈千人牒諸大府旌其閭庠
樂久廢先生遴童子之秀者教以舞蹈搏擊丁酉釋奠觀禮者盈千人
一時稱爲盛事漕帥周文忠公梧村移督兩湖邀先生行先生猶冀有
所奮去官從之抵夏口遇疾卒年五十有九周公厚紀其喪并刊其所

撰晉略焉

論曰先生書宗六朝畫宗北宋他詩古文詞及韻原字系諸書合二百
萬餘言而傳弗詳載者恐掩其大也嗟乎天之生才不數生才矣使成
爲有用之才尤不數抱負如先生沈沒山林則已耳亦旣策名
天府見知於一二大臣卒不使爲國干城展盡生平底蘊而僅僅以柔
翰功名終亦獨何哉亦獨何哉

○止安先生家傳

丁亥

先生姓周氏名濟字保緒又字介存號未齋晚號止安江蘇荆溪人君
之生也父夢顛僧驅虎入室及覺而君墜地遂以濟命名幼敏悟勇於
爲學九歲能屬文稍長深沈有智略膂力絕人讀書明大義不屑爲章
句之學年二十四嘉慶甲子舉鄉魁明年乙丑成進士以對策躉言抑

寅丙科出爲淮安府教授因憮然曰吾今日始可讀書矣益自淬厲求之六經三史以期實用深明韻鈴練習營陣圖法暇則縱情詩酒放浪於江淮閒要其讀書精進未嘗一日輟學也未幾謝病去官乃出遊求天下之士得涇包君世臣以實事相切劘屏去瑣碎提挈要領卓然爲通儒有用之學閒與包君共學書肆力北朝碑帖窮日夜臨摹至鞞病不少劬闢其用筆換骨易筋嘗病大王姿媚唐主好之沿爲習尙而古意寢微近世書惟鄧完白山人篆隸精妙陵轢古今書學絕而復續與包君論書之祕曰峻曰澀曰中實其書變化騰擲自成一家時人莫之好也又與商邱宋君端己學作畫謂畫衰於文董而絕於揮王因求之北宋大家得其骨法純用墨鉤使筆如鐵著折肱錄以見志僑居金陵春水園撫真景八尺幅每自署曰春水翁作花卉必折供膽瓶翫其向背曲盡寫生之妙君之書畫初出當世頗不謂然迄今閱三十年長幘短箋珍逾什襲競爲士大夫寶貴矣君任俠好施與數往來齊魯晉楚結納豪士擊刺騎射互較所長君必精其技乃已君之友寶山令田君家鉅野有母喪時豫省賊匪滋事剽掠曹滑田君以道阻不得歸憂形於色君慨然曰我爲君一行挈一僕從七晝夜至鉅野時賊將平視田

續神傳卷七十一

八

太君喪得無恙田君復以虧帑失職君又鬻田產抵於有司田君始得釋其好義輕財急人之難多類此方君之之鉅野也道出曹州猝遇賊黨數百人君下車持鎗擊之仆其前隊二人其被重創走者又十數人賊驚竄遁去由是君之名益震濟南孫公爲兩江節相慕君才略延致之以淮南北鹽梟充斥撥緝捕費二萬金屬君獨任其事令各營副將以下惟君指麾左右之時梟黨數千人皆亡命無賴并力拒捕君偵知穴巢要擊殲除不遺餘力一日與眾眾相持梟自後將發巨礮君覺有異急回馬抽矢射之中其巨指礮不得發乘勢追擊之禽梟眾十百人君長於兵法不得一展其才捕戮私梟甚非所願以其拒傷官軍戕害民命特藉此小試以張朝廷之威然非君之志也會有以激變言於制府者事寢不行而君亦決計退休矣乙未秋復起病爲淮安校官垂老著書折節爲儒者行以讀書教士子淮之人幽光潛德久而未彰者君踈於大府舉節烈貞孝千有餘人皆旌其閭文廟雅樂久湮君力爲振興遷童子之秀良者教以執籥秉翟舞蹈之節吹篪擊鐘搏拊之事凡數月而文物燦然丁酉春秋釋奠觀禮者逾千人君又節脩脯所入自輸錢二百緡存質庫權子母爲每歲興舞之用則復古之盛事也

漕帥東阿周公雅重君之爲人周公擢兩湖總督君遂辭官從之行抵夏口嬰疾弗廖以道光己亥年七月三日卒於行館年五十有九周公經紀其喪賻遺甚厚并刻其晉略以傳世君所著有說文字系二卷韻原七卷介存齋詩六卷味雋齋詞一卷史義二卷而最著者爲晉略云論曰君之爲晉略也一生精力畢萃於斯體例精深因而實勑非好學深思留心當世之務者烏能讀是書哉余讀其史論推見治亂若身履其閒每覽一篇未嘗不欷歔流涕君少有命世之志旣不得意迺著書以自見雖述舊文直同作者以是爲周君之書云爾

太鶴山人傳

湯紀尙

太鶴山人者青田端木先生國瑚也青田故產鶴故山以鶴名山人生而清傲似鶴其大父芝巖取易中孚誼字之鶴田晚乃自稱太鶴山人云當

睿廟時文達阮公督浙學得山人恆誇示人曰此青田一鶴也戊午舉於鄉明年己未文達偕朱文正主禮闈亟思得山人卒被放厥後用大臣薦

召相吉地敘勞官中書加秩六品歲癸巳文達適入觀自滇留主會試

續傳卷七十一

九

山人與其選用知縣投牒就原官

國朝監唐制置舍人司制誥票擬亞其選翰林雄材魁士百年相禪願地閒冷遷轉迂多抑遏終山人性靜退有逸士風好讀易閱身幽墨不驚華顯初爲校官湖州樂之至是回直內閣益澹榮利願專志注易與昌樂閣學海平定李星蟠爲友二君者以進士同官同居狷而劬學又同每入直聞宮雅嘯雜聲視日下春借步出長安門覓蹇車共載以返荒廬黯黯與閭論詩與李論文山人則以易理縈拂之易指成假歸出都門載書半簞則易稿也送者慕之以爲幽人之貞焉沒祔湖州峴山蘇公祠山人著書易指外詩文若干卷其地理元文注痛悔少作晚欲削之子百祿拔貢生

太鶴先生墓表

宗履辰

太鶴先生者青田端木君也青田故有鶴而山以鶴名君生而神貌肖之其大父芝巖翁取易乾中孚兩九二之義字之曰鶴田而命其名曰國瑚晚乃自號太鶴山人海內外知者多稱太鶴先生云當

仁宗皇帝時眞州阮文達公采風東南得君以誇示朝右曰吾得青田一鶴爲至幸由是名聞天下及戊午書升明年文達佐朱文正公主會

試甚望得君卷乃竟下第人以此高之後三十餘年君已官於朝為內閣舍人文達自滇黔持節朝京師過於郊外與君酌酒朱文正墓道猶言疇昔聞中文正以不得鶴為嫌是年癸巳三月文達將陛辭宣宗皇帝留之入會闈錄異才三數人君適在選世既奇其過時

上知君深明易理汪文端曹文正曾交薦之其以召相吉地官內閣加六品秩皆由

特恩至是時論當選擢乃因卷置三甲用縣令仍請回直閣中蕭然如未第益淡世味專力注易易指成俸未滿即求去人以此愈高之君性情介不耐煩劇會辭縣令至再為歸安學教諭樂將終身焉自召入直貧甚於教士時雖奏勞

山陵不以為功深悔地理元文之注欲燬其板在京絕不與大家卜地居浙邸紫藤精舍閉門著書談易以外薄酌詠歌無他嗜閣中與山左閻星持山右李漪蘭及稷辰景親自君退而先沒李與閻相繼逝世余為作內閣三先友傳以哀之君沒後湖州學子祔位於峴山蘇公祠鄉士夫請祀於郡邑鄉賢祠為吏所尼久之始得入奏章到上嗟念其人即

俞允益

精神傳卷七十七

十

聖明知之深而恩尤獨優於身後也雖命之蹇數之奇而三才通六行修生完其性之潔沒終不失其名之高非古所謂無求自得之君子乎受於世者薄則合乎道者多其傳諸無窮奚疑也君齒與名德皆先余素尊禮之君亦與余相得甚既沒其子百祿來見就余問學余妻以少女所以永舊誼也君所著書周易指四十五卷詩集十三卷已行世文集四卷待刊生於乾隆三十八年三月初十日沒於道光十七年九月二十二日是年十月從君遺命葬湖州之仁王山故交門弟子為置墓田歲時酌薦不絕君元配陳安人簪葉氏林氏子四長大雅次嘉議早塲三百祿為拔貢生能世君學幼百禮女子三歸士族君葬時無內碑故詳及之咸豐三年其姻稷辰始為表

晉卿董君傳

吳德旋

君名士錫字晉卿一字損甫武進縣尉榜貢生候選直隸州州判先世姓趙氏系出宋魏懿王德昭其始遷武進者曰元處士孟堙至明季有名中兌者出嗣於董為姑之夫後更名承獻承獻之後皆姓董氏君大父曰開泰廣東昌化縣知縣父曰達章國子監生以能詩名君幼從大

母錢孺人受孝經章句及就外傳讀諸經史悉能通解年十六從其兩舅氏張臯文宛鄰遊臯文以文學伏一世君承其指授爲古文賦詩詞皆精妙而所受虞仲翔易義尤精君家貧非客游無以爲養臯主張太守古餘阮尙書芸臺方太守茶山唐通守柘田洪觀察石農鄒觀察錫瀉皆名公卿也又歷主講通州紫琅書院揚州廣陵書院泰州書院所至士皆慕而親之嘗客安徽爲六安晁梅生盧義山修其族譜時同里孫于丕知懷遠縣李申耆爲修縣志未成而以事去延君續修焉道光辛巳君房師霑化蘇君觀察淮揚招君於幕蘇君猝染時疫病甚君侍疾謹或告君鄉試期迫盍舍去君作色曰吾受吾師知遇之恩未能一日報今吾師疾病而吾遽舍之而行非特無以酬吾師且重負吾師也卒不應試留侍疾閱數月蘇君乃愈遷福建按察司旋丁父憂歸而南河總督黎襄勤公素知君才及是賢君之爲聘請修續行水金鑑行水金鑑作於雍正間傅澤洪歷考河道古今沿革興廢成敗之由爲河務蒼萃之書而於黃淮運三河爲獨備歲久未輯君以爲前作詳於考古略於徵今續之者宜詳於徵今而略於考古如永定河之工程今增於古幾十倍矣而前書未詳尤宜備載因草例十數條以上襄勤公歎服

續傳卷七十一

君輯是書三載書未成而襄勤公卒事中輟矣其後河督張公副河督潘公至仍延君纂修而卒成之君自中歲左肘生瘤治之罔效其後癩敗而卒君好治陰陽五行家言殫心者數十載嘗曰世之言奇門六壬相墓者皆各自爲學吾獨求其原於易一以貫之然求之愈深問者且駭恐世之卒莫予知也所著有齊物論齋賦二卷文六卷家譜一卷詩八卷詞三卷外編三卷遁甲因是錄二卷未成者遁甲通變錄形氣正宗賦家譜詞已刻餘未刻藏於家

吳德旋曰予始識君時君年甫及冠所爲文已駸駸入古人之室其志豈以小成自甘哉而竟止於是徒令天下後世人惜奇才之不遇也吁足慨矣

淵寶願君墓志銘 李兆藩

鄭漁仲輯藝文略始附以校讐之名然其所言校讐之事惟編纂類例搜求亡書不啻灌灌則尙是目錄家也無與校讐事劉向別傳曰校讐者一人持本一人讀詞若怨家相對故曰讐向於奉詔校理者必補其缺脫正其訛謬而條上之如以見爲典以陶爲陰甚者閏月爲門五日已亥爲三豕之類以後相承如穎容向朗鄭默褚元暈顏師古皆其選

也然皆校正其字形而已繼乃有校者荒陋不知守闕如之戒妄緣疑而致誤至剝肉而成瘡至有謬稱皇考妄易銀根者本初無誤校乃至誤此自書有刊本輕加雌黃儻經三刻而古人之真書失矣此亭林先生羅列改書之弊以爲後戒者也自爾諸儒如惠氏半農戴氏東原從而張之故

本朝讀書士其守此訓不敢妄改而讐校之事確然有所守故所刊書籍賢於前代遠甚乾隆中極盛矣上自鉅卿名儒下逮博士學究無不通知此義一時如抱經盧學士懷祖王觀察父子竹汀錢詹事無不兼擅其長而元和顧君潤齋尤魁傑者也君名廣圻字千里號潤齋陳黃門侍郎野王之三十五世孫曾祖沛祖松父文煜俱業醫世爲吳人少弱冠南回從張白華先生遊館於程氏程富於藏書君徧覽之學者稱萬卷書生焉不事科舉業年三十始補博士弟子員縣府試皆冠其曹繼從江長亭先生遊得惠氏遺學因盡通經學小學之義嘗論經學云漢人治經最重師法古文今文其說各異混而一之則膠轕不勝矣論小學云說文一書不過爲六書發凡原非字義盡於此欲取漢人經注

續碑傳卷七十七

三

作段借長編而未屬稿君從兄之達字抱冲亦邃於學而多藏宋本元本書君一一訂正之刻列女傳以傳當是時孫淵如觀察張古愚太守黃蕘圃孝廉胡果泉中丞秦敦夫太史吳山尊侍讀皆深於校讐之學無不推重君延之刻書爲孫刻宋本說文古文苑唐律疏義爲黃刻國語國策爲張刻撫州本禮記嚴州本單疏本儀禮爲胡刻文選元本通鑑爲秦刻鹽鐵論揚子法言賈王集呂衡州集爲吳刻晏子韓非子每一書刻竟綜其所正定者爲考異或爲校勘記於後學者讀之益欽嚮爲漢學者往往不平宋儒而訾警之君獨服膺焉徧讀先儒語錄摘其切近者爲遯翁苦口一卷以教學者胸中博綜而能識之無遺每論議滔滔不竭而是非所在持之甚力無所瞻徇家故貧常爲人校刻博精以食雖往來皆名公卿未嘗有以自潤晚得類中症臥牀第者五年道光十九年二月十九日卒年七十兆洛以道光二年客授揚州君時館洪寶華殿撰家爲汪孟慈校刻其尊人廣陵通典所居相近故得朝夕握手焉向聞君與金門學使懋堂大令以言語抵牾竊疑其盛氣難近及見之進退弼弼詞色嫗煦知君徒以慈惠自守而狹中護前者不能無所忤也君嘗從容論古書舛訛處細若毛髮夢如亂絲一經剖析

豁然心開而目明歎君慧業一時無匹惜未及隨時鈔錄取爲學者尊
師嗚呼今則往矣配韓氏卒於道光十五年八月十九日年七十子鎬
孫瑞清從余遊將以某年月日葬於一雲山祖塋之旁瑞清請爲之銘
君所著多零星瑞清能守護之者子最愛君汪氏藏書目錄序及思適
寓齋記以爲可以見君之志故著之序曰汪君閩原藏書甚富取宋本
元本別編其目各成一冊以予於此向嘗究心屬爲序夫宋元本之可
貴前人所論綦詳收藏之家罔不知寶汪君宿具神解凡於有板以來
官私刊刻支流派別心開目瞭遇則能名而又嗜好專壹兼收並蓄既
精旣博希有大觀海內好古敏求之士未能或之先也閒嘗思之天水
蒙古兩朝自祕閣興文以暨家塾坊場儒學書院雕鏤印造四部咸備
往往可考固無書無地無人而非宋元本也其距今日遠者八百餘年
近者五百年而天壤間乃已萬不存一雖常熟之錢毛泰興之季崑山
之徐著於錄者亦十不存二三然則物無不遷後乎今日之年何窮而
其爲宋元本者竟將同三代竹簡六朝油素名可得而聞形不可得而
見豈非必然之數哉然則爲宋元本計者當奈何曰舉斷不可少之書
覆而墨之勿失其真是縮今日爲宋元本也是緩千百年爲今日也幸其

續神傳卷七十七

七

閒更生同志焉而所爲宋元本者或得以相尋而無窮計無過於此者
矣汪君之於宋元本知之深愛之篤其欲爲之計者當必有度越尋常
之見故詳述斯語用爲序而諭焉記曰以思適名齋者何顧子有取於
邢子才之語也史稱子才不甚校讐顧子役役校書而取之者何顧子
之於書以不校校之也子才誠僅曰不校乎哉則焉由思其誤又焉由
而有所適也故子才之校乃其思也不校之誤使人思誤於校者使人
不能思去誤於校而存不校之誤於是日思之遂以與天下後世樂思
者其思之此不校校之者之所以有取於子才也顧子貧齋非所能闢
也卽身之所寓而思寓焉而思適之名亦寓焉當其坐齋中陳書積几
居停氏之所藏同志之所借以及敝篋之所有參互鉤稽以致其思思
其孰爲不校之誤孰爲誤於校也思而不得困於心衡於慮皇皇然如
索其所失而杳乎無覩人恆笑其不自適而非不適也乃所以求其適
也思而得之豁然如啟幽室而日月之舉世之適誠莫有適於此也自
反其思不知於子才何若也使誠善思之至則顧子每曰天下有誤書
而後天下無誤書雖論似矯要不病其過也爲之圖而記之且求先生
長者及諸交遊題詠焉以爲此亦天下後世樂思者之所願聞也圖之

者誰某也所圖者今萬某也時則某年也寓齋中人顧子名廣圻字千里號澗賚也銘曰

先生之學惟無自欺以誠而明不爲書欺惟無自欺亦無書欺存其真面以傳來茲不爲書欺書無能欺屏絕附會定其然疑書以益人通知古今暨之梨棗以無沈淪人以益書古與古居非今斯今永無模糊惟其不欺是以不苟安得古書盡經君手凡立言者藉君不朽書有朽時先生不朽

吳仲倫先生墓志銘

并序

姚椿

宜輿有獨行篤學之君子曰吳君德旋字仲倫當乾隆季年已以文學服海內迨後數十年而其志不衰抑或有嘗其文與學者而卒不敢議其行豈非其志之立有以植其行與學於克久者歟君世居宜興北渠里口世祖中行明世以直諫張居正奪情事名在天下君幼時見袁枚所論先世事卽作文駁之踰冠以縣學生游京師與同郡張惠言友及四方諸聞人相切劘游四年歸用客授以養給自嘉慶九年以祿不逮養遂棄科舉業專志於學而游道日以廣年幾四十請益於桐城姚先生蘄先生以爲善學韓文君由是一意宗桐城學當是時言考據者徧

海內文字又皆以凌厲爲高君涵濡醞含斟酌損益欲使軌格不戾乎

十四

古以力與俗抗氣孤勢單眾譁且笑旣而翕然無閒言君以孤童支衰緒凡義所應爲者俱不敢後自少時已肩分輯宜興東皋草堂之支祠爲學宗宋儒而絕不欲以講學名友人或謂其以古六藝之旨導後進輒遜謝不敢當以爲僅能知古今人文章所自爲之意而已至自爲則輒不逮所能知十之六七又言人但當以啗士目我率吾性所近謂可希淵明萬一昔陸子靜謂淵明李杜皆有志於求道故以吾爲求道之士則不敢固辭若謂道積於躬而足以供人之求則斯世自有其人而德旋固去之甚遠也識者以爲知言君卒於道光二十年九月年七十四子二長謹縣學生次盈嘉君從游王國棟以謹狀來請銘子初聞君於宋先生大樽旣而識君於莊舍人仲方所會呂郡丞璜問古文義法於子子將遠行乃以君對其後璜與君游甚歡迨葬也璜已先卒子乃爲銘君著書甚具交游甚廣而子皆不載以爲是不足以銘君也銘曰晚周而降文與道分至本朝方氏乃始欲合其統緒而論者猶復紛紜君生於今勢如救焚不顧其力之不及顧欲企仰乎皇墳嗚呼仲倫生今之世而以古人自處

庶幾乎絕倫而超羣後之來者或且勉述此意而以縣縣延延乎無垠
我豈能言夙者知君後有傑士興起斯文

毛生甫墓志銘

姚椿

嗚呼生甫既沒之後四年予乃能執筆而銘其墓君毛氏名嶽生字生甫先世居太倉之寶山既而遷諸嘉定君名字在天下其先世次系詳見所自爲文及他人所著君少卽劬學每務博覽旣而講於當世賢碩乃益篤志道古祖大瀛夙以文詞名父際盛從同里錢詹事受訓誥小學君皆不及授崛起自奮鬱然爲世聞人家境屯困屢出游以資兩世之養生甫所爲詩凌厲側出獨蹈險境卒能返於大道文則根本經術澤以義法不欲因襲陳軌嗚呼豈非古所謂豪傑特起之士者與君以前輩嘗病元史允漏見詹事所爲殘稿因加補輯纂錄異冊數十種未已奔走道路年又限之卒未克底於成此古窮悴有志之士所爲撫躬而自悼者也君自處艱厄能以力所及者救人於經書不甚洽熟每出所見輒超然俗解之外外貌疏略而內實沈細武進李大令兆洛以爲三反李蓋實與君爲深知者君先世於予家有交其問業於惜抱先生之門也椿實介之以往後又最爲兩淮都轉運使瑩所知故每自云生

續碑傳卷七十七

五

平於姚氏爲厚昔屢戲言各以身後相屬予衰病無文故當累君執筆而不幸反是此予所以臨紙屢悲而不能終竟也君旣有成言又君舅氏朱君鳳南以書來請乃不果辭君娶陳氏子三人次元之尤穎悟蚤殤存者曰企之孫一端君卒以道光二十一年九月十日年五十一冬葬於嘉定裳字圩彭門祖塋其葬也實賴友朋之力銘曰

嗚呼生甫學胡篤才胡異少鈔鄉曲之譽而長阨其四方之志孤衷激致畢世顛頽惟其著述皓首文字此則生平微尙所託庶幾可徵諸來禩也噫

誼卿湯君傳

吳德旋

湯君名洽名字誼卿世爲武進人少穎慧善讀書及長以入費爲州同知應順天鄉試學於張編修惠言以能文名兼通天官秣數星祿之說嘗以祿學考取天文生補未及期而歸一以修業著書爲事已而游楚復游豫或踰年歸或未踰年卽歸意忽忽如有所不樂云君與其內弟莊續澍最相善續澍亦好爲祿祿之學然自以不君若也每有所得必就正於君君嘗與續澍分撰五經祿術補及疏證書未成而卒年四十一有一君所著有穀梁春秋例一卷句股祿指一卷太初術長編二卷漢

書分野星度斟誤一卷梁書藝文志一卷又補陳書藝文志一卷山海經道里考一卷北魏張淵觀象賦補注一卷賦稿一卷雜文稿一卷詩稿六卷藏於家

吳德旋曰吾郡多好學深思之士蓋有名不出里巷而著述足傳於後者矣夫學期自得遐暇計及於人之知不知耶迹君游歷所至未嘗與人競一日之名故卒所成就如此然竟不獲一展其蘊也惜哉

二侯傳陳澧

侯君模名廷楷更名康君模其字也其先江南無錫人祖金鉉遷廣東爲番禺人君模幼孤好學喜讀史家貧無書母張爲稱貸得錢買十七史讀之久卷帙皆敝愛南北朝諸史所載文章爲文輒效其體阮文達公總督兩廣開學海堂課士賞其文由是知名後乃研精注疏盡通諸經而史學尤深正史之外旁搜羣籍做裴松之注三國志例注隋以前諸史嘗曰

國初以梅氏算書顧氏讀史方輿紀要李氏南北史合鈔稱天地人三奇書論者謂李書未可鼎足吾書成其將取而代乎又曰注史與修史異注古史與注近史又異史例貴嚴史注宜博注近史者羣書大備注

續碑傳卷七十七

六

古史者遺籍罕存當日爲唾棄之餘今日皆見聞之助宜過而存之爲後漢書補注續一卷三國志補注一卷後漢稱續者以有惠定宇補注三國志杭大宗補注未完善故不稱續焉又以隋以前古書多亡著書者湮沒不彰補撰後漢三國晉宋齊梁陳魏北齊周十書藝文志而自注之後漢三國成經史子三部餘未成尤好左氏傳謂近儒多尊賈服而排杜解然杜固有勝賈服者儒者說經當求心之所安毋徒博好古之名欲著書以持其平亦未成又治穀梁傳考其涉於禮者爲穀梁禮證其餘羣經小學皆有論說多前儒所未及又考漢魏六朝禮儀貫串三禮著書數十篇爲人孝友惇篤性兼狂狷質直疏易喜飲酒招呼朋好諧謔閒作不治家人生產至不識算子惟以授徒自給體氣羸弱不離藥物而讀書恆至深夜亦頗以此致疾云以優貢生中道光乙未科舉人會試歸發病逾年卒年四十四弟度同年舉人時稱爲兩經師

子琴名廷椿更名度少貧困傭書於外夜歸置盤小几上踞坐讀書兒女雞犬環繞之不厭也年三十七始爲縣學生員與君模同年中舉人道光二十四年大挑一等試用知縣分發廣西署河池州知州州縣官到任饋金於上官曰到任禮時節饋金日節禮子琴以貧故獨不饋知

府衙之廣西賊起河池州居萬山中無城郭子琴伐木爲柵因山勢聯絡堅固可守又使民十家爲牌民有從賊者仿趙廣漢笮笮法使良民告奸民十得六七南丹土知州差役莫應和以事被拘上官命子琴鞫之得實將治其罪時巡撫鄒鳴鶴命民團練應和訴於府謂出家財團練而知州索賄知府稟巡撫巡撫奏之將治子琴罪旣而審訊知其誣猶回護前奏罰子琴俸賊攻桂林巡撫命子琴守城宿堞旁數月賊退又命至梧州辦鹽事子琴遂告病歸甫至家病卒時咸豐五年五月年五十七子琴靜樸和厚經傳洽熟尤長於禮學自大挑後志在吏治常讀諸史循吏傳及兵書又以世風衰壞采古書名言爲一編曰述古軒家訓在梧州爲賊所焚其副本在番禺志書局爲夷寇所焚遂無傳焉所著說經文刻於學海堂集又通算學所著書亦散失三子長培基幼裕基皆早卒其仲炳基聞巡撫奏子琴罪且不測憂憤發病死

陳澧曰二侯君有兄名廷槐更名賡亦聰穎而不以經學名時稱侯家兩經師云余與二君居址相近常相見在京師同居下第同歸情好最密計自弱冠得交君模始知治經是吾師也子琴則同志曰友者也嘗與君模戲言我後君死當傳君君模死余爲傳哭其殯而焚之子琴死

乃爲合傳嗚呼使二侯君今猶在年七十耳而墓木拱矣悲夫

金匱縣知縣齊梅麓先生墓表

方浩題

嘉慶十三年

仁宗睿皇帝巡幸淀津多士迎

鑿獻賦

召試行在名列一等第二者爲齊梅麓先生第五則先大夫皆

賞舉人嗣先大夫守湖州先生已罷宰金匱家於宜興濬頤兒時竊見先生與先大夫尺一往還兼有酬唱歲時罔閒迨先大夫歸田之後課濬頤讀書於撫松草堂常爲道先生政事文章超越儕輩手一編授之曰此我梅麓同年詩也小子當取以爲法因迴環雜誦出入必置諸行篋尤喜讀紀災書壁諸詩以爲情真語摯仁人之言雖古循吏弗是過也同治八年來揚州先生長子學裘由滬上挈舟相訪驩然道故詢先生全集則欷歔泣下曰板毀於賊家中塵存詩集十六卷耳遂鈔副本見遺爲之屏當資斧長作寓公與濬頤爲詩友光緒初元仲春學裘持狀畧濬頤曰先公一生事蹟黃齋青年丈曾爲作傳載於詩集之首而墓碣闕如學裘年已七十有三深懼遺微湮沒何以見先公於地下乞

吾子念兩世之交泚筆以光泉壤感且不朽謹按狀先生諱彥槐字夢樹號梅麓世居安徽婺源縣祖松父翀進士官至廣東嘉應州知州先生幼秉夙慧七歲卽能文年十四補博士弟子員從姚姬傳先生受作文法弱冠以詩謁隨園老人驚爲曠世逸才以遠大期之戊辰己巳聯捷成進士改庶吉士散館以知縣用選江蘇金匱縣直大旱創立圖振法復勸殷戶糴米平糶饑民全活無算又以振餘造望亭橋修泰伯墓大府上

聞晉知州秩庚辰以疾得告時祖母曹太恭人母俞太恭人均在堂於宜興郭內築雙溪草堂以養親將有終焉之志道光甲申隄決堰阡

命往視南河先生謁文端極言引黃濟運之非上海運議文端入都告協揆英和公以議上

聞

命兩江總督魏公元煜檄公辦理海運有以盜賊可虞風濤至險造船費巨用袋貯米咄嗟難辦多方尼之者先生謂吳淞口迤南由浙及閩粵爲南洋迤北由通海山東直隸及關東爲北洋南洋多磯嶼水深浪

續碑傳卷七十七

九

惡非烏船不行北洋多沙磧水淺礁硬非沙船不行洋盜在閩粵斷不能越吳淞以北爭南糧也上海沙船三千餘隻儘敷濟運無須別造沙船舵工熟於水綫風信不然富商安肯以多貲造船挾重貨而輕於一擲漂沒閒或有之烏得因噎廢食況春夏風濤較穩耶米宜散貯奚以袋爲商賈載豆麥皆然也阻者語塞江蘇巡撫爲陶文毅公悉如所議行是役也用船一千五百有奇運米一百六十三萬三千餘石銜尾而行源源抵天津無稍阻滯倪失成服其識之審而謀之臧也卒之功成不居引身而退陶公力勸之出命權蘇州督糧同知勘估吳淞江親督浚治日行泥淖不以爲瘁事竣得

旨優獎以知府候補旋丁母憂遂不復仕先生爲文根柢經術能見其大研究天官家言發鄉先輩梅氏江氏未盡之蘊嘗制中星儀自動渾儀二器並著說以示用者又仿泰西水法造龍尾恆升二車其用一車當翻車之五人一當十迅捷奔騰靡有滲漏林公則徐試之於塘塘寬十畝深二尺肩乾七寸視晷甫三刻林公奇之謂有益於農田水利欲以入告未果先生有龍尾車歌可得其制深明地理謂山有直高有斜高以步弓量之者斜高也以矩度測之者直高也婺源有冲山舊志云

三百二十初先生用矩度墜綫倒影測之知爲斜高作冲山記其他經世之文如論開濬吳淞泖湖劉河各事宜復林公問勸民買米說與祭酒程公恩澤論嵯務諸書察覈情勢推勘利病剴切周至無不盡之言惜乎未竟其用也先生本居婺源梅源山下遂初之後僑寓荆溪輒歸里創義倉環村種樹引水灌田以救貧乏性好山水笠屐所到輒摩厓題壁酒痕墨汁淋漓衫袖間自言生平之遊至奇至險者莫如登岱蓋夜作日觀之遊甫及半嶺而雷雨交作山風怒號古木盡拔惶遽間遇茅棚嫗接引乃免讀先生紀事詩猶令人神駭色變或曰先生所遇非人殆神也少時常夢身居江心古寺中自顧儼然頭陀後登焦山海西庵宛如夢境則先生之根器可知矣所爲詩元本風雅胎息於杜出入於韓蘇撫時感事有爲而作者居多不屑屑於綺章繪句工駢體律賦官翰林時恭遇

仁宗五旬萬壽進呈擬唐賦十首選入

皇清文穎續編洵儒臣榮遇也其言經濟者亦選入

皇清經世文編精鑑古工八法藏弄旣多臨撫入化頗得海岳華亭兩家神髓求書者無虛日有句云退筆如山了無謂老年惟覺苦筋骸自

續神傳卷七十一

九

朝亦紀實也所著詩古文辭書畫錄凡百餘卷梓行於世又倩錢梅溪雙鉤松雪墨蹟上石尤爲藝林所寶貴云道光辛丑六月二十五日卒享年六十有八葬於溧陽戴埠鎮馬墩橋配余恭人生子二學雙塲學表府知事繼配陳恭人出子五學箕學斗皆典史學經參將學轍學榜從九品學裘曰先公見背之先一日猶手寫藏書目錄校勘雙鉤墨蹟初無所謂疾病也翌日遂棄養嗚呼痛哉學裘雖老猶將重刊先公詩文集以廣其傳不知天假之緣否濬頤聞學裘之言瞿然以興曰先生爲通儒爲循吏宰金匱八稔廉正愛民頌聲載道至於今六十餘年民之稱齊青天者猶依依如在目前抑何其去思之久耶迴憶昔年先大夫數數道先生言並長公子之孝實爲世所罕觀今乃益信正月旣爲先大夫先母作阡表而學裘不以爲不文復有表墓之請因思吾兩人並皆衰朽追維先德徒切闡揚以君明發之懷增吾風木之感不禁潄泫然淚和墨墮也

王君亮生傳

張履

君姓王諱塗初名仲鑿字子兼一字亮生吳縣東洞庭山人明大學士文恪公整其十世族祖也祖諱鑑商南典史值湖北教匪犯境日夜城

守獲賊謀爲內應者三人斬之賊遂退既又逆民嘯聚謀亂率健卒禽其魁餘黨悉平考諱闕伯太學生君自少有至性年十一太學君挈赴陝省親以教匪亂路梗還漢口迂道入潼關登秦嶺以達商南備嘗艱險十二讀文恪公彙學爲文補諸生督學使者協辦大學士蕭山湯公金釗賞其文稱爲學人餼於庠屢細鄉試入賞當選教職游京師稍與賢士大夫交道州何尙書凌漢嘉興沈侍郎維鑄爲督學時竝延之襄校沈公尤器重君稱爲粹然儒者嘗隨使車厯居庸關出古北口覽其形勝阨塞所在南眺黃山白嶽天台雁宕之奇浩歌自得旣歸效宋陳起隱於書肆兩廣總督林公則徐欲招君入幕屬沈侍郎寓書道意君感其知己慨然思就之卒不果往君自束髮受書以至華顛未嘗一日釋卷素嗜考訂兼好儒家言尤志在經世慕賈生陳亮之爲人問古文法於族兄芑孫芑孫語以才爲主而學輔之少年作文先須盡意故君之文辭氣激發能畢達其中之所存初猶累於舉業久之無所得遂棄不復理嘗與余書謂自悔聞道之晚邇來漸能掃除俗念覺讀書別有意味余因是歎君學之與年俱進也所著有鄉黨正義十六卷四書地理攷十四卷毛詩多識編十二卷以眞氏德秀大學衍義邱氏濬大學

續神傳卷七十七

衍義補二書意主納海故卿大夫以下從略而小學之功所以培大學之基者亦未詳因仿陳氏瑚聖學入門書分目之例爲大小學廣要積藁數十卷不克成乃刪爲聖學入門書衍義十二卷嘗謂向日讀書苦無端緒隨見隨忘至是如滿屋散錢使之就貫云又選

國朝古文爲文述詩爲詩持文擬爲十集今僅第一集而止其所自爲詩多懷古七律沈鬱悲壯得少陵之遺有壑舟園文藁其中如釋性辯董子性猶禾善猶米禾非米性非善之失答鴟鴞問發明聖人當日悔過心事禘說攷上下條舉眾說而折之以經後有論禘禮者殆無以復過海運議主和糴畿輔水利議謂宜仿南方築圩蓄水及參用古人溝澮法確然可見諸施行而君所最自信者惟錢幣芻言一書謂三代以下惟鈔法可以富國富民救井田之窮積思三十年旁搜廣訊以成是編時何公深韙之而不克用林公欲用之以粵行而止其餘名人達士如同縣顧通政純武進李進士兆洛涇縣包大令世臣咸許爲可行自頃英夷擾邊帑藏告匱中朝言事之臣頗采用君書以進而外省大吏或執以爲不可故君說之行不行迄今卒未有定也余交君幾二十載昔時同志之友如湖州盛朝勳紀慶會沈壺竝已先卒而君亦多病早

衰自營生曠於東山之荷盤峰因又自號荷盤山人屬余豫爲之志余謂古人多自爲志銘益仿其例君遂如余言仍與余書云身後之文卒以累子矣未幾君卒嗚呼以君之抱負蘊積不獲枋用於朝稍有所發攄而天又不假以年俾得益富其著撰是誠可惜也已然君雖嗇於遇而當代賢公卿重之四方學古之士推之其意所欲著之書或未卒業而據其所成已足表見於後世亦未爲身名寂寞矣獨以余之寡陋知交零落殆盡惟恃君爲莊生之質而君又化去此所以懷子焉孤立之懼覽君遺文爲泫然墮涕者也君之自志有云平生有三恨親存不能侍養一恨也不得爲諫官盡言天下事二恨也欲刻天下有用之書而無其力三恨也有三幸父母命我讀書一幸也天資非下愚觀書時有心得二幸也游覽四方遇通人三幸也不溺於妻子不惑於仙佛勤學古人自知不足惻閔民物發於詩文是其爲人大略云爾卒於道光二十三年三月日得年五十有八有女二人無子以弟仲覽子希范爲嗣

貢士梅君墓志銘

劉文淇

君諱植之字蘊生姓梅氏祖諱訓自宣城徙江都考諱恂積德在躬鄉黨稱長者幼孤育於其舅范氏范以爲嗣及長娶於黃生子某卽以之

續碑傳卷七十七

三

繼舅氏後而已歸宗繼取於胡乃生君君年十二已能爲古今體詩二十學駢麗之文博覽經史工書善琴而所嗜尤在詩性簡傲凡鄉里先達及流寓名公有所招邀未嘗輕造其門必歷久知其學實勝己乃執弟子禮事之朋輩所心折者僅十數人視世俗齷齪之士蔑如也家貧無書所讀經注及古文詞率手自鈔寫偶購舊唐書殘本展轉借全帙錄之二句而畢余交游中多勤學之士其最攻苦者甘泉薛傳均子韻於百憂中手不釋卷僕徵汪穀小城病至咯血誦讀自若而君實似之君中歲疊遭考妣喪未除服而妻許氏又卒家室蕩然其愁苦抑鬱無聊賴之狀一寓於詩余每不忍卒讀勸其少輟君諾之而莫能改然君卽不事吟詠而所處爲生人極艱身非金石摧折之斬艾之欲求無死不可得已余固憂君之不永年也而君竟以肺疾卒悲夫繼娶黃孺人結縞甫七載生男女各一皆不存沒之前夕新舉一男君猶強撫視之名之曰毓曾未而日縵經一襲加於文祿嗚呼可哀也已君由揚州府學增生中式道光己亥科舉人生於乾隆甲寅六月二十日卒於道光癸卯九月二十四日春秋五十卽以其年十二月十二日葬甘泉縣施家冲耐其考慮士君之墓君詩近體主少陵古體則導源康樂駢文宗

江鮑而參以庾徐哀豔散行文亦雅有歐曾矩矱所著稽庵詩集六卷友人王君瓚華梓行之其續集四卷文集二卷則門人上元黃國華所刻也江都薛壽及君妻姪儀徵黃春熙亦嘗受學於君謂君之學行不可無所稱述伐石刊詞埋諸幽壤以渴葬不得遠求鉅公之文而丐文於余余文何足傳君君之詩文其必傳於後則無疑也爰爲銘曰君志之高潔兮飲清風而餐白雪也君學之勇決兮挽六鈞而徹七札也謂韞於中宜有所施設兮奚出門而車軸折也惟遺編足以垂後兮芳馨其不滅也

張介侯墓志銘 錢儀吉

武威張君諱澍字伯倫自號介侯考諱應舉涼州府學增廣生君仕封如其官上世具余所爲封君墓誌中母張氏元駙馬高昌王之裔至明而易姓君九齡失母讀書過目輒記文章鉅麗傾一時乾隆甲寅我世父侍講府君偕漢軍蔣公典陝西試得君驚歎目爲異人時君未弱冠余年小於君君弟呼余相愛也君性亢直疾惡如仇好責善朋友間人多畏君會試躑躅留久貧甚而館鉅公家主人出其內人夜擄蒲君使其戚譙讓之卒以讒去又館臧家橋主人召優娛客君怒又去之最後

續神傳卷七

王翰林充

南昌熊侍郎枚請教其孫常錚是歲第進士入翰林充實錄館纂修嘉慶四年己未也辛酉散館改外選黔之玉屏自是爲縣宰三十年處己廉與人忠而剛介特立論事屹然少可亦時賈善於上官守其直終身不易也在黔時滇撫初公彭齡過縣從者索金則扶之百文敏公異焉使署遵義治盜徒黨盡文敏贈詩君和答諷以獎拔廉吏退語其儕曰爲上官惟此最急旋以思親引疾歸數年起爲蜀之屏山調署興文回本任屏山民迎於境訴署令獄有私君遽窮治發其所受金貯庫而言於行省總督先公難之緩其事署令亦訟君乃爲一奏以上皆聽勘君所執持牢而訟君者無有也則遷延不決以回君會蔣代至事乃白蔣公問蜀事對曰公入境卽舉劾屬吏震動然如所舉某守賊某令但佞佛耳豈爲賢乎蔣公默然退又上書其狂直如此旋署大足銅梁南谿丁父艱歸再起爲江西之永新署通判臨江以上漕銀緩去官尋復開復補瀘谿又丁繼母 袁氏艱歸遂不出君治事簡易而聰察持法嚴胥役惕息不敢犯所至令行禁止蜀歲饑爲振法甚不能徇徇與爲家人語民多畏余旣振民乃甚親余上下相信訟益易

了縣日以無事余喟然曰介侯如君言可爲民監矣君好言振事嘗主講蘭州大旱書與那文毅戒遲緩戒拘方戒遣使云君著姓氏五書續黔書自定詩集二十六卷文集三十五卷補輯漢皇德傳魏周生烈子以下關隴著述數十種及世本風俗通諸書諸葛忠武集皆已刻詩小序翼三古人苑五涼舊聞秦音蜀典等藁藏於家娶楊氏繼室何氏李氏某氏子五人延壽早卒次振鈞不疑去疾長卿孫三人南仲南季南金君以道光丁未五月丙戌病沒於西安城中和樂巷之居振鈞等將以十月某日葬君某原期迫不及具行狀以余知君久而郵計請銘銘曰

其文也眾謂卿雲復生其志也思與李杜齊名其仕也既已登天祿侍承明忽去故吏亦自以孤行一意而思表百城其節厲其才明以濟其直故雖爲流俗所曹惡而理美之莫傾退著書以沒齒揚藝苑之芳聲其藏也嗟五十年之老友悉乎君之行事而泣爲斯銘

朱鍊梅孝廉傳

陳喬從

朱君振采字冕玉鍊梅其號瑞州高安人相國文端公族孫也自父銘以上皆潛德篤行以文學世其家君幼穎異讀書目數行下年十八補

續碑傳卷七十七

五

弟子員博涉羣書相國汪文端公視學江右特器重之拔置高等稱爲江西一士勛以治經爲通儒之學性伉直喜面折人過落落與時合至交友有緩急死生以之同里何煦負雋聲會有以事誣煦者親族恆懼累莫前君獨率同人白其冤義聲由是播郡縣以嘉慶癸酉舉於鄉偕計入都時詞垣有慕君名者欲羅致之門下終不肯投一刺毅然自守之嚴固不以一第之得失動其心也試禮部屢報罷益肆力於經史百家之言尤汲汲治漢學嘗謂漢學之佚而可惜者虞仲翔之易鄭康成之易與書服子慎之左傳也今易有張皋文虞氏義惠定宇周易述書有王西莊尚書後案孫淵如今古文注疏略具梗概惟服氏左傳爲絕學爰采諸書所引服氏解義彙爲一編疏通證明之以訂杜解之誤名曰服氏左傳解義疏證千餘年不絕如縷之緒乃以於茲弗墜其他所著經典質疑皆讀書能得聞又著易圖問答詩微禮記故儀禮校正周官辨非駁四書釋地駁鄉黨圖考駁爾雅纂遺說文舉正天官書詳注務實事以求其是焉生平急病讓夷遇有不當理之事輒義形於色言人所不敢言雖攫權貴人之怒弗恤也歲辛卯江西大水民人墊溺流離屯聚會城外沙井待振多展轉溝壑當事議欲發帑而游移未決

君作沙井行痛寫流亡之狀以諷當事遽即發振災民賴以存活君遂以詩俠聞道光乙未公車北上時外洋弗靖軍興費累千萬度支告匱有京朝官某條上捐舉人奏君在某侍郎座間之勃然奮起曰納粟拜官弊且不堪況貢士乎天下之本在民之休戚在守與令今若以浮薄之子入賞進身廁名科目寄民社之任非獨玷辱斯文敗壞風化且無異驅狼以牧羣羊欲其不恣搏噬得乎謀利之臣不計大害其如傷國體毒民生何因上書座右相國王公鼎語甚激切有云昔先文端公遺表上

高宗純皇帝斥言利之臣明公素推爲千秋金鑑曾是言利之弊有甚於捐舉人者乎納賞貢士公亦何顏坐中書矣相國以其詞嚴正也歎曰鏡梅今人中古人青史名長不在暫時一第也於是議卒得寢嗟乎士之窮經將以致用使君得行其志於國計之是非民生之利弊所措施必有大異於人者惜乎其終未嘗一日用世也家居葺九芝仙館有詩文鈔若干帙藏書逾三十萬卷於桑梓文獻特留意嘗得新建陳宏緒江城名蹟二卷謂其敘論簡當附考證亦多所訂定惟於豫章名郡洗馬目池以及賈萌廟俾家樓大安寺諸條並沿前人之誤未免失

續碑傳卷七十一

之不考爰尋曩日親聞舊事檢校載籍緝江城舊事十有五卷視名蹟記尤精核詳贍蓋其博聞強識不獨識武平侯玉章爲曹魏公所上故印辨口口字牙牌爲明代置送外夷之往者其淹洽見稱於儀徵阮文達公也他雜著如豫章經籍志江西詩話道光高安志平濠事跡攷說文駢珠漢詩衷說陶詩箋各種皆藏於家子航道光戊子科副車積學能文繼其家聲

贊曰余以道光乙酉入都與禮部試道出高家堰堰決於甲申大水吾閩林文忠公適起督高堰工葺事迅速民免昏墊聞時旅次有題壁詩十八首人相與傳誦詎知爲江右朱孝廉作歎其留心時事才識遠出流俗斯乃有用之學非尋行數墨家佔畢之士所能測其淺深涯涘也迨余宦江右而君已先歸道山矣余不及交君與相質正經說然獲與君嗣明經航過從知君於桑梓利病蒿目痄心冀獲挽救往往寓之詩文中至其生平著述之富行誼之篤所以遺其澤於後昆者正未有艾也嗚乎君真江右奇士哉

林伯桐小傳

張維屏

林伯桐字桐君號月亭廣東番禺人嘉慶六年舉人官德慶州學正有

修本堂詩集

君辛酉舉於鄉道光甲辰選授德慶州學正卒於官年七十君事親孝父歿不復上公車與兩弟友愛待人無論尊卑貴賤皆敬且和生平於學無所不窺尤篤志經學研經宗漢儒而踐履則服膺朱子十三經注疏皆手自丹鉛廿四史及諸子諸集凡目所經者皆能舉其大要見人則抑然退讓有若無實若虛於君見之鄉里事有義當出者必出前後兩制府阮公鄧公皆敬禮之阮公延為學海堂學長鄧公延課其二子君抱道自重當言則言絕不干預外事然君之不可及不僅在是也君世系見於黃香石舍人所撰墓志其著述見於金芭堂孝廉所撰家傳松心文鈔

吾黨有績學篤行君子曰林月亭先生考桂圃先生嘗構寢廟以祀四親顏曰桂圃家塾先生敬以持己誠以待人言行悉以朱子為法教授生徒百餘人擢科第者甚眾而能敦內行勉實學者往往不乏又深得先生之傳者也配李孺人先卒子世懋諸生孫男二人道光丁未孟夏其弟伯棠茂才奉先生柩葬於白雲山雨花臺之原 粵嶺山人文集先生考桂圃公歿先生疏食不入內室者三年先生為學官諸生貧而

能文者或贈以赴科之費

續修傳卷七十七

遺事

修本堂遺書已刊者毛詩通考三十卷毛詩識小三十卷史記蠡測一卷供翼小言二卷古諺箋十一卷冠昏喪祭儀考十二卷公車見聞錄四卷修本堂叢四卷月亭詩鈔二卷未刻者易象釋例十二卷易象雅訓十二卷毛詩傳例二卷春秋左傳風俗二十卷三禮注疏考異二十卷史學蠡測三十卷古音勸學三十卷兩粵水經注四卷粵風四卷日用通考十四卷修本堂文集四卷修本堂外集四卷修本堂駢體文鈔二卷馬陽山館詩鈔十二卷 勉書室集

歐陽輅傳

王先謙

歐陽輅原名紹洛字念祖一字礪東湖南新化人父基文字同周乾隆乙酉拔貢銓就州判以親老乞歸授徒自給性方潔天才挺拔詩文操筆立就為時所重 續修傳志 早世 村野詩話 輅九歲補縣學生即好吟詠所遇窮惡蹤迹落莫無常師於詩若有天授家貧甚資傭力以養 湖沅書集 博學多通書過目終身不忘 東文錄 序乾隆甲寅舉於鄉 書集 頻上春官不得意南走粵北為薊代山海關之遊 序 性野逸不修威儀衣履敝垢岸然公卿大夫中劇談豪飲苟若無人人亦無與忤者後閉

門不復出躬耕奉母非力不食於人世升沈寵辱泊如也集序一時名

公雅重之或不遠數千里殷勤致禮不至箠冠草履吟嘯清泉白石間

陶墻宇自峻與人少可湘舉文正劉南豐譚光祐守寶慶學使歛程恩澤

按試至郡二人皆名宿始一出與雙清亭之會好事者至繪為圖文府志

傳垂老卜築邑城東遁迹沈冥兀兀無共語者李給夜談表其詩灝氣流

轉含章內映精思壯采搏結無迹沈道寬曠然持律矜嚴鄧墓嘗言作

詩務苦吟戒自恕或屢改而不安則竟削之又云作詩當自寫其胸中

之天不期而與古合所謂非有受於人忽自得之今人過一地遇一人

必作一詩豈吾胸中之詩哉既挾所業出與天下士大夫接所至折服

名流少能頡頏集序舊與寶山毛嶽生東鄉吳高梁相知善嵩梁詩才罕

匹嘗謂人曰僕畏礪東不敢與敵也臨川樂鈞未識輅寄贈以詩錢塘

吳清鵬以詩求論定稱輅為韓蘇而後一人服膺如此夜談同邑訓導

鄧顯鶴少輅十歲兄事之集序舊每有篇什輒就輅與相違覆鄧墓輅鈞

覈瑕疵不少寬假顯鶴卒無以易其言也集序舊道光二十一年卒據夜

銀李年七十五志序舊有礪東詩鈔十卷安化陶澍槩行之陶又手定詩

三卷昇顯鶴顯鶴為刻之沅湘者舊集序舊輅於詩窮極幽微偶有論

斷必求通古人之詞較其得失析其毫釐多人所未發同邑舉人李洽

筆存之為夜談追錄二卷談追嵩譚夜子蔡字迪來邑廩生亦能詩

學府志文奇情幽思不愧名父之子者舊集序舊又有歐子三卷恢奇俶詭無一

常語志序早卒顯鶴刻其詩入資江沅湘兩者舊集中集序舊

